

Samuelnê Buku Namatanja

Binj tanj kêsêp buku tonec nanj, gêjac minj lau Israel nêj lêng sêwi têm gôlinwaganja sinj jaselom têm kinja. Lau têtêac sêjam gôlinj lêng, tanj gêjam lau Israel ôkwi nanj. êsêacnêj njaê gebe Samuel, tanj enj êsêacnêj gôlinwaga namunja nanj, agêc Saul, tanj kêtû lau Israel nêj kinj namatanja nanj, ma Dawid. Dawidnê binj kêsêp Samuel agêc Saul nêj minj nalêlôm. Dawid kêtû kinj atomgenj, mago teto ênê lêng kainj tenj nagehô to ênê gênsêga naminj kêsêp Samuelnê buku namatanja gêwinj.

Buku tau nalôtêna kêtôm Binjlênsêm Langwa nabuku minja nagehô nalôtêna gebe Lau tanj sêsap Anôtô têng nanj, têtap moasinj sa, mago sec êôc êsêac, tanj tanenpêc nanj sa. Apômtaunê binj gêdênj dabunwaga Eli gêwa nalôtêna tonanj sa gebe “Aê jatoc êsêac, tanj tetoc aê sa nanj sa ma êsêac, tanj lanjônj gelo aê nanj, oc jalic êsêac amboac lau meloc” (2:30).

Lau sêlic Apômtau Anôtô kêtû lau Israel nêj kinj nanô (8:7), tec nac-keto-bukuwaga gê go gebe Israel embe sêjalinj nêj kinj tenj sa, oc sêwi Anôtô sinj me masi. Mago gêdênj tanj têtap nêj kinj sa nanj, êsêac sêmasanj nagôlinj towae tonec gebe kinj to lau samob sêsô Anôtônê gôlinj to mêtôc nalabu (2:7-10). Nagôlinj tonanj ejop gebe êmoasinj lau saunj to kapônj ma lau towae to lau njaôma êtôm taugenj.

Elkana to nê gôlôac semoa Silo

¹ Nac tenj gêmoa malac Ramataim. En nac Supña anja Epraim ñagamênj lôcña, nê ñaê Elkana. En Jeroham latu, nan Elihu latu, nan Tohu latu, nan Sup latu, êsêacnênj ñam gêc Epraimña. ² En gêjam awê luagêc, tenj nê ñaê Hana ma tenj nê ñaê Penina. Penina kêkôc gôlôac ma Hana en awê kapoac.

³ Nac tonan anja nê malac kêpi gêja Silo kêtôm jalagenj gebe etenj mec to êkênj da êndênj lau sinj undambênja nêj Apômtau. Eli latuagêc Hopni agêc Pinehas têtû Anôtônê dabunwaga anja tonan. ⁴ Gêdênj bêc, tanj Elkana kêkênj da nan, en kêkênj da ñagêdô-gêdô gêdênj Penina ma latuio to nac. ⁵ En têtac gêwiñ Hana, mago kêkênj ñamêsôm ñagêdô tagenjenj gêdênj en ñam gebe Apômtau gêbôc têtac lêtôm auc gebe êkôc gôlôac atom. ⁶ Tec anao kêkôc binjalom gebe êngôm en maja êsaña gebe Apômtau gêbôc en auc. ⁷ Kêtôm jalagenj gên tonan kêtap Hana sa. Kêtôm têm samob êsêac sêpi Apômtaunê lôm dabunj sêja nan, anao kêkôc binjalom en ñapanj. Tec Hana kêtanj ñanô ma gedec gebe êniñ gên. ⁸ Go nê akwenj Elkana kêsôm gêdênj en gebe “Hana, aôm kôtanj ma goenj gên atom nec ñam amboac ondoci. Nêm ñalêlôm ñawapac kêtû asagenja. Aôm gôlic aê ñajam kalêlêc latômi 10 su atom me.”

Hana agêc Eli

⁹⁻¹⁰ Gêdênj tanj senj to sênôm gên su acgom, go Hana gêdi tonê ñalêlôm ñawapacgosu jakêkô Apômtau lanônêmña ma ketenj mec gêdênj en to kêtanj ñanô. Gêdênj tonanj dabunwaga Eli gêngôn nê lêpônj kêsi Apômtaunê lôm ñakatam. ¹¹ Ma Hana

gêjac mata biñ tenj ma kêsôm gebe “Lau siñ undambêña nêñ Apômtau, aôm embe taêm walô nêñ sakiñwagao aê to taêm ênam aê ma ôlinj aê siñ atom, ma ôkênj ñapalê ñac tenj êndênj nêñ sakiñwagao aê, go jansunj ñapalê tau samucgenj êndênj Apômtau wacêmoa êtu ênê gêñ e êmac êndu, ma kekec tenj oc êsac môkêlauñ atomanô.”

¹² Enj ketenj mec ñasawa ec baliñ gêmoa Apômtau lañônêmña. Gêdênj tonanj Eli mata gê enj gêdôôlic. ¹³ Hana ketenj mec gêc lêlômgenj, ma gêdôôlic kêboa-kêboa, mago sênô awa atom. Tec Eli gêjam kauc gebe gêñ kêjanij awê tau. ¹⁴ Ma kêsôm gêdênj Hana gebe “Êndênj ondoci nêñ meloc gêñ kêjanij aômña êmbacnê. Ôwi wain meloc tonanj siñmanj.” ¹⁵ Hana gêjô enj awa gebe “O ñoc apômtau, amboac tonanj atom. Aê awê gêñwapac kêkônij aê tôñña. Aê ganôm wain to gêñ kêjanijña tenj atom. Aê kasêwa ñoc ñalêlôm sa gêdênj Apômtau tau. ¹⁶ Ôlic nêñ sakiñwagao aê amboac awê sec atom. Gêdênj ñasawa tonec aê kasôm ñoc ñalêlôm ñawapac to kêbuli aucña lasê tec gamoa.” ¹⁷ Go Eli gêjô enj awa gebe “Ôna totêmtac malôgenj ma Israelnêñ Anôtô oc êngôm biñ, tanj kotenj nanj, ñanô êsa.” ¹⁸ Hana kêsôm gebe “Ôlic nêñ sakiñwagao aê ñajammanj.” Go enj gêc gêja ma genj gêñ totêtac kêpa sugenj.

Hana kêkôc Samuel tau

¹⁹ Bêbêc kanucgenj êsêac dêdi ma tetenj mec gêdênj Apômtau. Su acgom, go sêmu sêja malac Rama kêtiam. Elkana gêmoa gêwiñ nê awê Hana ma Apômtau taê gêjam enj. ²⁰ Tec Hana kêkêkam ñapalê ma gêdênj ñanoc enj kêkôc ñapalê ñac tenj ma gê ênê

ñaê Samuel. Samuel ñam gebe “Aê katen en anja Apômtaunê.”

²¹ Gêdên tan Elkana to nê gôlôac samob sêpi sêja kêtiam gebe êkên da jalana êndên Apômtau to êngôm nê bin gêjac matana ñanô êsa nan, ²² Hana gêwin atom. En kêsôm gêdên nê akwen gebe “Ñapalê êwi su sin acgom, go aê japi ma jakôc en êwin gebe en êkô Apômtau lanônemna ma êmoa êwin en enden tângên.” ²³ Ma ênê akwen Elkana gêjô en awa gebe “Ôngôm êtôm bin, tan aôm taêm gêjam gebe ñajam nan. Ômoa e ñapalê êwi su sin acgom. Tagen Apômtau êngôm nê bin ñanô êsa.” Amboac tonan awê tau gêmôa nê andu ma kêkên su gêdên ñapalê e gêwi sin. ²⁴ Ñapalê gêwi su sin, go Hana kêkôc en agêc sêpi sêja. Ma kêkôc bulimakao kapoac, tan ñajala têlêac nan ten ma polom matak suc ten ma bôc ñaôlic ten towain. Ñapalê tau saungen ma têna kêkôc en gêja Apômtaunê lôm dabun anja Silo. ²⁵ Sêjac bulimakao tonan êndu ma sêkôc ñapalê tau gêdên Eli. ²⁶ Hana kêsôm gêdên en gebe “O ñoc ñatau, aê jasôm binñanôgen êndên aôm gebe aê awê tau, tan kakô aôm lanônem ma katen mec gêdên Apômtau nan tonec. ²⁷ Aê katen kêtû ñapalê tecenecna ma Apômtau kêkên tana aê ma gêgôm ñoc mec ñanô kêsa. ²⁸ Kêtû tonanña aê gasun en gêdên Apômtau. En êtu ênê gên e êmac êndu.”

Go êsêac tetên mec gêdên Apômtau.

2

Hananê wê

¹ Go Hana ketên nê mec amboac tonec gebe
“Ñoc ñalêlôm kêtû samuc Apômtau

aê têtac kêpa su kêtû Apômtauŋa.
Aê aocsuŋ kêsu ŋoc soŋo-soŋo susu
gebe aê katu samuc kêtû aôm gôjam aê saŋa.

² “Ŋac dabuŋ tenj kêtôm Apômtau gêmôa atom.
Apômtau tenj gêmôa atom, aôm taômgeŋ.
Lamuanô tenj kêtôm aêacma Anôtô gêmôa atom.

³ Asôm biŋ tembelem angeŋ tenj êtiam atom.
Biŋ atoc taôm saŋa êsa awemsuŋ atom,
gebe Apômtau eŋ Anôtô kêjala gêŋŋa
ma eŋ gêjam dôŋ ŋamalac nêŋ kôm.

⁴ Lau ŋactêkwa nêŋ talam tulu,
mago lau palê-palê sêjandiŋ ŋaclai sa.

⁵ Êsêac taŋ sêŋgôn nêŋ masê ŋaô su naŋ, sesom kôm
gebe têtap gêŋ sêniŋŋa ŋagec-ŋagec sa.
Ma êsêac, taŋ gêŋ gêjô êsêac su naŋ, galoc gêŋ gêôc
êsêac tôŋ.

Awê kapoac kêkôc ŋapalê 7,
mago awê, taŋ kêkôc gôlôac taêsam naŋ, nê ôli
kêmêliŋ.

⁶ Apômtau gêjac êndu to gêŋu mata jali kêsa.
Eŋ gêwê lau sêsêp lamboam sêja ma gêwê êsêac sêpi
sêmêŋ kêtiam.

⁷ Apômtau kêkêŋ lau ŋagêdô têtû lau ŋalêlôm sawa
ma ŋagêdô lau tolêlôm.

Eŋ kêkônîŋ ma ketoc sa.

⁸ Eŋ kêsip lau ŋalêlôm sawa sa anŋa kekop
ma gêôc lau sêpô lênawaga sa anŋa waomôkê,
gebe kêkêŋ êsêac sêŋgôn sêwiŋ gôliŋwaga towae
ma sêwê kainj lêpôn tetoc lau saŋa.
Gebe Apômtau kêtû nom ŋaalê ŋatau
ma kêkwê nom kêkô alê tau ŋaô.

9 “Enj oc ejop në lau dabunj enkainj,
mago lau alôb-alôb oc sênaņa sêmoa njakesec njalêlôm
gebe njac tenj etoc tau sa êtu tau në njaclainja
atom.

10 Apômtau oc êtuc në njacjo popoc
ma Lôlôc Njatau êkênj wapap ênac anja undambê.
Apômtau oc êmêtôt nom e naêndênj njamadij.
Enj oc êkênj njajana êndênj në kinj ma oc etoc në njac-
genj-oso-enjwaga në njac lai sa.”

11 Go Elkana gêmu gêja në malac Rama kêtiam
gêwinj në gôlôac samucgenj, ma njapalê tau gêjam
sakinj Apômtau gêmoe dabunjwaga Eli lanjônêmja.

Elinê latui

12 Eli latuagêc sêgôm gênj wauc-wauchoa,
êsêagêc sêwi Apômtau auc. 13 Ma sêgêli njagôlinj
dabunjwagana amboac tonanjenj. Gêdênj tanj njac
tenj kêkênj da gêmoe nanj, dabunjwaga në sakinjwaga
mênjgêo lasê tosala njamata têlêac. 14 Bôc tau eletoc
êmoe, go êsêli sala êsêp ku me pane me laclu
me kuki. Gênj samob, tanj sala kêsêp nanj, êtu
dabunjwaganê gênj. Êsêac sêgôm amboac tonanj
gêdênj lau Israel samob, tanj sêkênj da anja Silo nanj.

15 Mago gêdênj Eli latuagêc nênj têm, gêdênj tanj ja
genj njalêsi atomgenj nanj, dabunjwaganê sakinjwaga
mênjgêo lasê ma kêsôm gêdênj njac, tanj kêkênj da
gêmoe nanj, gebe “Ôkênj dabunjwaganê bôc êndênj
aê gebe japac sigobgenj. Enj gebe êkôc bôc senonja
tenj anja aômnnêm atom, gebe êkôc bôc matakgenj.”

16 Ma njac tau embe êsôm êndênj enj gebe “Ja êninj
njalêsi su acgom, go ôkôc êtôm têmtac êwinj”, go
sakinjwaga asôm gebe “Masianô, galocgenj ôkênj,
ma embe masi, go Jajanjo su.” 17 Apômtau gêlic

lau wakuc nan mêtê sec samucgen gebe sêsu Apômtaunê da susu.

¹⁸ Njapalê Samuel gêjam sakinj Apômtau gêmoa. En kêjandinj obo sakinjja tenj. ¹⁹ Katôm jalagenj Samuel têna kêsi njakwê ôlinja saunj tenj kêtuj enjja. Ma gêdênj tanj êsêagêc nê akwenj sêpi sêja gebe sêkênj da nanj, enj kêkênj njakwê tau gêdênj Samuel. ²⁰ Go Eli gêjam mec Elkana agêc nê awê ma kêsôm gebe “Apômtau êkênj awê tonec êkôc nênj njapalê sêjô njac, tanj kêkênj gêdênj Apômtau nanj su.” Go agêc sêmu sêja nênj gamênj kêtiam.

²¹ Ma Apômtau taê gêjam Hana ma enj kêkôc njapalê njac têlêac ma awê luagêc. Ma njapalê Samuel kêtuj kapôênj gêmoa-Apômtau lanjônênjja.

²² Eli kêtuj njamalacanô su ma gênjô latuagêc nênj binj samob, tanj sêgôm gêdênj lau Israel nanj, to sêgôm mockainj gêdênj lauo, tanj sêjam sakinj anja katam lôm becja nanj. ²³ Ma kêsôm gêdênj êsêagêc gebe “Amagêc agôm gênj amboac-tonanj kêtuj asagenjja. Gebe aê ganjô lau samob sêsôm amagêc nênj gênj alôb-alôb njawaegac. ²⁴ O latucagêc, awi sinjmanj gebe aê ganjô Apômtaunê lau sêsôm amagêcnênj lênj njawae njajam tenj atom. ²⁵ Njac tenj embe ênjgôm njac tenj sec, Anôtô oc êmêtôc gênj tonanj. Mago njac tenj embe ênjgôm sec êndênj Apômtau, asa oc êtôm gebe etenj êtuj njac tonanjja.” Tagenj êsêagêc sêkênj tanenj tamenj awa atom, gebe Apômtau taê gêjam kêtuj tônj gebe ênac êsêagêc.

²⁶ Samuel kêtôp kêtuj kapôênj gamoa ma Apômtau to njamalac têtac gêwiñ enj.

Apômtau geoc Elinê gôlôac nênj binj lasê

27 Go Anôtônê ñac tenj gêdên Eli gêmênj ma kêsôm gêdên enj gebe “Apômtaunê binj tonec gebe ‘Aê gaoc tauc lasê gêdên nêminê gôlôac gêdên tanj sêmoa Aiguptu sêsô Parao to nê gôlôac ñalabu nanj. 28 Aê kajalinj enj sa anja Israel samob nêj gôlôacmôkê gebe êtu ñoc dabunwaga. Enj êpi êndênj ñoc altar êna gebe ênsôb jadaunj ma êsô ñakwê dabunj êkô aê lanjôcnêmja. Ma aê kakênj lau Israel nêj daja samob gêdênj mîminê gôlôac. 29 Kêtu asagenja aôm matam katu ñoc daja ma da samob, tanj kajatu sa nanj. Kêtu asagenja aôm kotoc latômagêc sa kêlêlêc aê su nanj, e alôm taôm ña da, tanj ñoc lau Israel sêkênj nanj, ñagênj mataêjamgenj.’ 30 Kêtu tonanja Apômtau, Israelnêj Anôtô, kêsôm gebe ‘Aê gajac mata su gebe nêminê gôlôac to tamamnê gôlôac sêsô-sêsa aê lanjôcnêm endenj tângênj.’ Mago galoc Apômtau kêsôm gebe ‘Binj tonanj ênêcnja. Lau tanj tetoc aê sa nanj, aê oc jatoc êsêac sa ma êsêac, tanj sêpêc gêdô aê nanj, oc jalic êsêac amboac gênj ñaôma. 31 Ôlic acgom, bêc oc mênêô lasê, nanj jasap aômnêm ñaclai to tamamnê gôlôac nêj ñaclai su e ñamalacanô tenj êmoa nêminê gôlôac ñalêlôm êtiam atom. 32 Êndênj onanj oc ôsala moasinj, tanj jansêwa êpi lau Israel nanj, tomatam katugenj, ma ñamalacanô tenj oc êmoa nêminê gôlôac ñalêlôm êtiam atom endenj tângênj. 33 Aômnêm ñac tagenj aê jatinj enj su anja ñoc altar atom, enj êmoa gebe êtanj tomatasulugenj e têkwa êmbac-êmbac to nê ñalêlôm ôlun-ôlunjenj. Mago ñamalacnênj sinj oc ensenj nêminê gôlôac nêj lau wakuc su. 34 Gênj tanj êtap latômagêc Hopni agêc Pinehas sa nanj, êkênj puc aôm gebe êsêagêc lulugenj oc sêmac êndu bêc

tagen. ³⁵ Ma aê oc jakêñ taucñoc dabunwaga ñañêñ ten. En oc êñgôm gen êtôm aêñoc taêc gêjam to ñoc ñalêlôm. Aê oc jakwê ênê andu tengenña ten sa ma en êsêlêñ êsô-êsa êmoa ñoc ñac, tañ gaen oso en nañ, lanônêmña enden tôneñ. ³⁶ Ma nêñm gôlôac ñapopoc samob oc sêndên en sêna ma teten en êtu moni me polom tenña ma oc sêsôm gebe “Aê jaten aôm gebe ôkên kôm sakin dabunña ten êndên aê gebe janin polom ñapopoc ñagecmañ.” ’ ’ ”

3

Apômtaunê kalem gêdên Samuel

¹ Amboac tonan ñapalê Samuel gêjam sakin Apômtau ma Eli gêjam jaom en. Gêdên ñasawa tonan Apômtau kêgaminê nê bin ma geoc tau lasê ña ñakatu atom. ² Gêdên têm tonan Eli, tañ mataanô kêtû waô ma gêlic gên ñapep atom nañ, gê nê balêm. ³ Anôtônê lam gêmac atomgen ma Samuel gêc Apômtaunê lôm dabun ñalêlôm, tañ Anôtô nê poac ñakatapa kêkô nañ. ⁴ Gêdên tonan Apômtau gêmôêc gebe “Samuel, Samuel”, ma Samuel gêjô en awa gebe “Aê tec gamoa.” ⁵ Go kêlêti gêdên Eli gêja ma kêsôm gebe “Gômôêc aê, tec gamên.” Eli kêsôm gebe “Masi, aê gamôêc aôm atom, ômu naônêc bêc êtiam.” Amboac tonan en gêmu jakêsa tau sic kêtiam. ⁶ Ma Apômtau gêmôêc kêtiam gebe “Samuel.” Tec en gêdi gêdên Eli gêja ma kêsôm gebe “Gômôêc aê, tec gamên.” Mago Eli gêjô en awa gebe “O latucenec, aê gamôêc aôm atom, ômu naônêc bêc êtiam.” ⁷ Gêdên tonan Samuel kêjala Apômtau su atom tagen. Ma Apômtaunê bin geoc tau lasê gêdên en su atom tagen. ⁸ Ma Apômtau

gêmôêc Samuel kêtiâm kêtu dim tâlêacŋa. Go eŋ gêdi ma gêdêŋ Eli gêja jakêsôm gebe “Gômôêc aê, tec gamêŋ.” Gêdêŋ tonan Elinê kauc kêsa gebe Apômtau gêmôêc ŋapalê. ⁹ Tec kêsôm gêdêŋ Samuel gebe “Ômu naênêc bêc ma eŋ embe êmôêc aôm êtiâm, go ôsôm gebe ‘Apômtau, ôsôm biŋ mênŋnêm sakiŋwaga êŋô.’” Amboac tonan Samuel gêmu jakêsa tau sic gêc nê mala.

¹⁰ Apômtau jakêkô kêdabiŋ eŋ ma gêmôêc kêtiâm tê gêmôêc nê, gebe “Samuel, Samuel.” Ma Samuel gêjô eŋ awa gebe “Ôsôm biŋ mênŋnêm sakiŋwaga êŋô.” ¹¹ Go Apômtau kêsôm gêdêŋ Samuel gebe “Ôŋô acgom, aê gabe jaŋgôm gêŋ ten aŋga Israel lau samob sêŋô e taŋeŋsuŋ êtaŋ. ¹² Êndêŋ bêc ônê aê oc jaŋgôm biŋ samob, taŋ kasôm kêpi Elinê gôlôac nan, ŋanô êsa êpi eŋ tomalagen. ¹³ Ma aê jasôm êndêŋ eŋ gebe Aê jakêŋ ŋagêjô êndêŋ ênê gôlôac enden tôneŋ gebe eŋ kêjala latuagêc sêgôm sec to sêsôm biŋ alôb-alôb kêpi Anôtô nan, mago eŋ kêmetôc êsêagêc ŋajaŋa atom. ¹⁴ Kêtu tonanŋa aê katôc lemoc kêpi Elinê gôlôac gebe daja to da ŋagêdô oc enseŋ nêŋ sec su atomanô.”

¹⁵ Samuel gêc e gelenŋa lasê, go jagêlêc Apômtaunê lôm ŋakatam su. Eŋ kêtêc tau gebe ênac miŋ Apômtau geoc tau lasê gêdêŋ eŋŋa ŋamiŋ êndêŋ Eli atom. ¹⁶ Mago Eli gêmôêc Samuel gebe “Latucenec Samuel.” Ma Samuel gêjô eŋ awa gebe “Aê tec gamoa.” ¹⁷ Ma Eli kêtu kênac eŋ gebe Apômtau kêsôm biŋ amboac ondod gêdêŋ aôm. Ônsa ŋalô ten auc êndêŋ aê atom. Aôm embe ônsa biŋ, taŋ Apômtau kêsôm gêdêŋ aôm nan, ŋaten auc, go ôndac êtôm tonan ma êlêlêc su.” ¹⁸ Amboac

tonañ Samuel gêjac minj binj samob tomalagen gêdêñ Eli ma gêsa ñalô tenj auc atom. Ma Eli kêsôm gebe “Enj Apômtau, enj êngôm êtôm êlic ñajamña.”

¹⁹ Samuel kêtôp kêtû kapôên ma Apômtau gêmoa gêwinj enj ma gêgôm nê binj samob, tanj geoc lasê nanj, ñanô kêsa. ²⁰ Ma lau Israel anja Dan e gêdêñ Berseba sêjala gebe Apômtau kêkênj Samuel kêtû ênê propete. ²¹ Amboac tonañ Apômtau gêo lasê anja Silo kêtiam, gebe enj geoc tau lasê gêdêñ Samuel anja tonañ ma kêsôm binj gêdêñ enj.

4

¹ Ma lau Israel samob sênjô Samuelnê binj.

Lau Pilisti sêjanjo Apômtaunê poac ñakatapa su

Gêdêñ ñasawa tonañ lau Israel dêdi sêja gebe sênac sinj êndêñ lau Pilisti. Êsêac sê nêñ becobo sênjôn Ebeneser, ma lau Pilisti sê nêñ becobo sênjôn malac Apek ñagala. ² Go lau Pilisti têtênan tau su ma sebo sêsa gêdêñ lau Israel. Sinj kapôên kêsa e lau Pilisti sêku lau Israel tulu ma sêjac lau amboac 4,000 êndu sêc sinj ñamala.

³ Ma gêdêñ tanj lau Israel nêñ sinjwaga sêmu sêmênj maleñ su nanj, Israel nêñ laumata sêsôm gebe “Kêtû asagenja Apômtau kêkênj lau Pilisti sêku aêac tulu gêdêñ ocsalô tonec. Ajôc, takôc Apômtaunê poac ñakatapa anja Silo êmênj gebe mênjêmoa aêac ñalun ma ênam aêac kêsi anja nêñ ñacjo lemenj.” ⁴ Amboac tonañ sêsakinj lau sêja Silo ma sêkôc Apômtau, lau sinj undambêña nêñ ñatau, tanj gênjôn kerubim ñaô nanj, nê poac ñakatapa sêmênj. Ma Eli latuagêc Hopni agêc Pinehas sêwinj poac ñakatapa.

⁵ Gêdêñ tañ poac ñakatapa jagêô lasê lau Israel nêñ malac becobaña nan, lau Israel samob sêjam lasê to ñaclaigen e nom kêwiwic. ⁶ Lau Pilisti sêñô ñaôndu tonan ma têtû kênac taun gebe “Sêjam lasê toñaclaigen anga Ebolainêñ gamêñ tonan ñam amboac ondoc.” Sêñô gebe Apômtaunê poac ñakatapa mêngeô lasê ⁷ tec têtêc taun ñanô gebe êsêac sêsôm gebe “Anôtô mêngeô lasê êsêacnêñ malac. Ojae aêacmêñ. Gêñ amboac tonan talic ten su gêmun atomanô. ⁸ Ojae aêacmêñ. Asa ênam aêac kêsi anga Anôtô ñaclai tonan lêma. Anôtô tonan kêku lau Aiguptu tulu ña gêñwapac tokain-tokain anga gamêñ sawa. ⁹ O Pilisti, ajôc, apuc taôm tôn. Anac sin amboac ñacgen. Embe masi, go atu lau Ebolai nêñ gêñôma, êtôm êsêac têtû amacnêm gêñôma. Akô amboac ñac ma anac sin.”

¹⁰ Amboac tonan lau Pilisti sêjac sin ma sêku lau Israel tulu e sêc sin su sêlêti sêja nêñ andu gêdêñ-gêdêñgen. Sin tau kapôên ma lau Israel nêñ sinwaga 30,000 sêjaña bêc tagen. ¹¹ Ma sêjanço Apômtaunê poac ñakatapa su ma sêjac Eli latuagêc Hopni agêc Pinehas êndu.

Eli gêmac endu

¹² Nac Benjaminña ten kêsu anga sin ñamala ma kêlêti e mêngeô lasê malac Silo gêdêñ oc tagen tonan. Nê ñakwê gêngic ma nom gê en môkêapac. ¹³ Gêdêñ tañ ñac tau gêô lasê nan, Eli gêngôn nê lêpôn, mataanô gêdêñ intêna gêsungen gebe nê ñalêlôm ñatutuc kêtû Apômtaunê poac ñakatapaña. Gêdêñ tañ ñac tau kêsa malac ma gêjac min bin nan, lau malacña samob têtan lasê. ¹⁴ Eli gêñô tanjiboa ma gêjam kênac gebe “Gamêñ ñadinñin tonan ñam

amboac ondoci.” Go nac tau kêlêti gêdên Eli ma kêsôm bin tau lasê gêdên en. ¹⁵ Elinê jala kêtû 98 ma mataanô kêtû waô e gêlic gamên atom. ¹⁶ Go nac tau kêsôm gêdên Eli gebe “Aê nac, tan gamên anga sin namala. Aê gaêc sin gêdên ocsalô tonec.” Ma Eli kêtû kênac gebe “Latucenec, bin amboac ondoci.” ¹⁷ Nac jaenja gêjô en awa gebe “Lau Israel sêc lau Pilisti ma sin gesen lau taêsam su. Aôm latômagêc Hopni agêc Pinehas sêmac êndu ma sêjanjo Apômtaunê poac nakatapa su amboac tonanjen.” ¹⁸ Gêdên tan en kêsam Apômtaunê poac nakatapa nan, Eli gêu tau kêsô gedecgen anga lêpôn, tan kêkô kesi malac nasacgêdô nan, namunja e kêpôn gêsû tulu ma gêmac êndu, gebe en kêtû namalacanô ma nawapac kêsâ. En gajam gôlin Israel jala 40.

¹⁹ Eli lawao, Pinehasnê awê, taê e kêdabin gebe akôc napalê. En gênô nawae gebe sêjanjo Apômtaunê poac nakatapa su to lawa agêc nê akwen sêmac êndu nan, ma en gewec gebe napalê kêtun en e kêkôc napalê su. ²⁰ Gêc e kêdabin gebe êmac êndu ma lauo, tan sêjam jaom en nan, sêsôm gebe “Ôtêc taôm atom. Aôm kêkôc napalê nac ten.” Mago en gêjô bin atom ma kêkên tana bin, tan êsêac sêsôm nan atom. ²¹ En gê napalênê naê gebe Ikabod, nam gebe” Nawasi kêkac tau su anga lau Israelnên”, gebe sêjanjo Anôtônê poac nakatapa ma kêtû lawa to nê akwenja. ²² Ma en kêsôm gebe “Nawasi kêkac tau su anga Israelnên gebe sêjanjo Anôtônê poac nakatapa su.”

5

Poac nakatapa kêkô gamên Pilistiana

¹ Gêdênj tanj lau Pilisti sêjanjo Anôtônê poac njakatapa su nanj, êsêac sêbalañ gênj tau anja malac Ebeneser jasêo lasê malac Asdod. ² Mago sêbalañ katapa tau sêsô anôtô Dagon nê lôm e tetoc kêkô kêsi Dagon tau. ³ Nágelenj gêdênj tanj lau Asdod dêdi sa gêdênj bêbêcgenj nanj, êsêac sêlic gebe Dagon gêu tau gêc masac gêc Apômtaunê poac njakatapa njanêmja gêc nom. Amboac tonanj sêkôc enj ma tetoc enj gêmu jakêkô njamala kêtiam. ⁴ Mago njagelenj êsêac dêdi e sêlic gebe Dagon gebenj kêtiam gêc Apômtaunê poac njakatapa njanêmja, lanjôanô gêdênj nom ma môkêapac to lêma makenj-makenj tulu gêc taunja kêsa taonj njô ma njadambê njômagenj gêc. ⁵ Tonanj njam gebe Dagonnê dabunwaga to lau samob embe sêsô Dagonnê lôm oc sejop taunj gebe sêka Dagon anja Asdod nê andu njataonj atomanô e mênjgêdênj galoc.

⁶ Apômtaunê lêma gejon lau Asdod njagênwapac. Enj kêtakê to kêkôninj malac to njagamênj samucgenj njakamocmatu. ⁷ Lau Asdod sêlic gênj tonanj masêsôm gebe “Israelnênj Anôtônê poac njakatapa êkô êwinj aêac atom, gebe enj lêma kêkôninj aêac to aêacnênj anôtô Dagon tônj.” ⁸ Amboac tonanj êsêac sêsakinj binj sêkac lau Pilisti nênj gôlinwaga sêpi tagenj masêsôm gebe “Aêac dangôm asagenj êtu Israelnênj Anôtônê poac njakatapa.” Lau gôlinwaga sêjô êsêac awenj gebe “Akênj Israelnênj Anôtônê poac njakatapa naêkô Gat.” Tec sêkôc katapa tau jakêkô tonanj. ⁹ Gêo lasê su, go Apômtau nê lêma kêkênj gênjwapac kêkôninj malac tonanj. Enj kêtakê lau Gat kapôênj to saunj samob ma gêjac êsêac njakamocmatu. ¹⁰ Tec sêsakinj Anôtônê poac njakatapa gêja malac Ekron.

Gêdêñ tañ Anôtônê poac ñakatapa gêô lasê Ekron nañ, lau Ekron sêjac wali gebe “Êsêac sêkôc Israelnêñ Anôtônê poac ñakatapa sêmêñ gêdêñ aêac gebe ênac aêac to ma gôlôac êndu.” ¹¹ Amboac tonañ sêkalem lau Pilisti nêñ gôliñwaga sêkac sa sêpi tagenñ ma sêsôm gebe “Asakin Israelnêñ Anôtônê poac ñakatapa êmu êndêñ taunê gamêñ êna gebe ênac aêac to nêñ lau samob êndu atom.” Malac tau ñalau têtakê taunñ êndu-êndu gebe Anôtônê lêma kêkôninñ êsêac ñanôgeñ. ¹² Lau tañ sêmac êndu atom nañ, têtap kamocmatu sa. Amboac tonañ lau malac tonec nêñ wali kêpi e gêdêñ undambê.

6

Sêsakin poac ñakatapa gêmu gêja Israel kêtiam

¹ Apômtaunê poac ñakatapa kêkô gamêñ Pilistiaña ajôn 7 su acgom, ² go lau Pilisti sêkalem nêñ dabunwaga to lau sêpuc kapoacwaga sêkac sa ma sêsôm gebe “Aêac dangôm asagenñ êtu Apômtaunê poac ñakatapaña. Asôm êndêñ aêac acgom, aêac tasakinñ gêñ tau êmu êna ñamala êtiam ñalêñ ondoc.” ³ Go êsêac sêjô êsêac awenñ gebe “Embe asakin Israelnêñ Anôtônê poac ñakatapa êmu êna, go asakin ñaômagenñ atom. Anac da taôm êwiñ acgom, go amac ôlim ñajam êsa ma amac ajala Apômtau Anôtô lêma kêkôninñ amac gêwi sinñ atom ñam.” ⁴ Êsêac têtû kênac kêtiam gebe” Aêac anac da taunñ ña asagenñ.” Tec êsêac sêjô êsêac awenñ gebe “Kamocmatu ñakatu gold lementenñ to moadec ñakatu lementenñ êtôm lau Pilisti nêñ gôliñwaga nêñ namba gebe gêñwapac tonañ kêtap amac to nêñ

gôliŋwaga sa kêtôm taugen. ⁵ Amansaŋ nêŋ kamoc-matu to moadec, taŋ gesen gamêŋ samob naŋ ŋakatu ma atoc Israelnêŋ Anôtô sa, oc moae eŋ êkôc nê lêma ŋawapac su aŋga amacnêŋ to aŋga nêŋ anôtôi nêŋ ma aŋga nêŋ gamêŋ. ⁶ Amac abe nêŋ ŋalêlôm ŋadani êsa êtôm Parao to nê lau Aiguptu nêŋ êtu asagenŋa. Taêm ênam biŋ, taŋ Anôtô tonan gêgôm êsêac têtû meloc e sêwi lau Israel siŋ sac sêja naŋ. ⁷ Galoc amansaŋ kareta wakuc teŋ ma akôc bulimakao têna luagêc, taŋ sêkêŋ su gêdêŋ ŋalatu sêmoa ma sêjala sê kareta teŋ su atom tagen naŋ. Ma akêŋ bulimakao tonan sê kareta, mago akêŋ ŋalatu sêmu sêna sapa. ⁸ Ma akêŋ Apômtaunê poac ŋakatapa êkô kareta ŋaô ma akêŋ ŋakatu gold, taŋ êtu da naŋ, êsêp gadob teŋ êkô êwiŋ katapa, goggo awi êsêac siŋ taunŋen sêna. ⁹ Ma alic acgom, embe sêsa intêna malac Betsemesŋa, oc ajala gebe Anôtô tau kakôniŋ amac ŋa gêŋwapac. Embe masi oc ajala gebe gêŋ tonan ênê lêma gêjac aêac atom, kêtap aêac sa ŋaômagen.”

¹⁰ Tec lau sêgôm amboac tonan. Êsêac sêkôc bulimakao luagêc, taŋ sêkêŋ su gêdêŋ ŋalatu sêmoa naŋ, ma sêkêŋ sa kareta ma sêkôc ŋalatu tau su sêmoa sapa. ¹¹ Go sêkêŋ Apômtaunê poac ŋakatapa kêkô kareta ma gadob tomoadec gold ma tokamoc-matu ŋakatu gold gêwiŋ. ¹² Bulimakao têna sêselêŋ gacgen sepeŋ malac Betsemes. Sêselêŋ tatan-têtaŋ ma sêwi intêna siŋ sêmu anô me gasêŋa sêja atomanô. Gôliŋwaga Pilistiŋa têdaguc êsêac e dêdêŋ lau Betsemes nêŋ madin. ¹³ Gêdêŋ tonan lau Betsemesŋa sejon mopolom ŋanô sêmoa gamêŋ gaboan. Sêôc matenânô sa ma sêlic poac

ηakatapa tec tatu samuc ma sêpuc kareta tôn-tôn sêja. ¹⁴ Bulimakao sê kareta tau jagêô lasê Josua anga Betsemes nê kôm ma kêkô. Poc kapôên tej kêkô ηagala. Amboac tonan êsêac sêga kareta ηaka popoc ma sêkên bulimakao têna luagêc tonan katu daja gêdên Apômtau. ¹⁵ Lau Lewit sêkôc Apômtaunê poac ηakatapa to gadob, tan da goldηa kêsêp ηalêlôm nan, su ma tetoc kêkô poc kapôên tonan ηaô. Nacwaga Betsemesηa sêkên daja to da sênij sêwinηa gêdên Apômtau gêdên bêc tonan. ¹⁶ Lau Pilistiηa nêη gôlinwaga lemen tej sêsala gên samob tonan su, go sêmu sêja Ekron gêdên bêc tonan ηen.

¹⁷ Kamocmatu ηakatu gold, tan lau Pilisti sêsakin kêtû sêjac da tauηηa gêdên Apômtau nan, malac Asdod to Gat ma Askalon to Gasa ma Ekron. Tagen-tagen kêtom êsêacnên malac ηen. ¹⁸ Moadec gold gêjô lau Pilisti nêη malac samob, tan gôlinwaga lemen tej tonan sêjam gôlin nan, malac tunbôm ma tunbôm masi. Poc tau kapôên, tan êsêac tetoc Apômtaunê poac ηakatapa kêkô ηaô nan, gêngôn Josua Betsemesηa nê kôm ηagala. Poc tonan kêtû ηabelo gêngôn gêdên tonê e gêdên galoc.

¹⁹ Ma Apômtau gêjac lau Betsemesηa ηagêdô gebe êsêac têtû kênij kêsêp Apômtaunê poac ηakatapa ηalêlôm. En gêjac êsêacnên ηacwaga 70 êndu. Ma lau têtan tanjiboa gebe Apômtau gêjac êsêac secanô.

Poac ηakatapa mênkêkô Kiriati-jearim

²⁰ Go êsêac ηacwaga Betsemesηa sêsôm gebe “Asa êtôm gebe êkô Apômtau, Anôtô dabun tonan lanônêm. Aêac tasakin gên tau êndên asa lau gebe êmoa êwin aêac atom.” ²¹ Go êsêac sêsakin bin

gêdêṇ lau Kiriattjearim gebe “Lau Pilistiṇa sêkêṇ Apômtaunê poac ṇakatapa gemu gêmêṇ. Asêp amêṇ ma akôc êpi êndêṇ amac êwac.”

7

¹ Go lau Kiriattjearim sêja sêkôc Apômtaunê poac ṇakatapa su. Sêkôc jasêkêṇ gêdêṇ Abinadabnê andu, taṇ kêkô gamêṇ ṇabau ma sêjam mec ênê latu Eleasar gebe ejop Apômtaunê poac ṇakatapa.

² Nasawa baliṇanô amboac jala 20 poac ṇakatapa kêkô malac Kiriattjearim, ma lau Israel samob têtatṇ Apômtau.

Samuel kêtû gôliṇwaga

³ Amboac tonatṇ Samuel kêsôm biṇ gêdêṇ gôlôac Israelṇa samob gebe “Embe amu andêṇ Apômtau ana tonêm ṇalêlôm samucgeṇ, go awi anôtôi jaba, taṇ ajam sakiṇ amoa naṇ, to alê gwam siṇ ma nêm ṇalêlôm epeṇ Apômtaugenṇ ma anam sakiṇ enṇ taugenṇ. Go enṇ oc ênam amac kêsi aṇga lau Pilisti lemeṇ.” ⁴ Amboac tonatṇ lau Israel sêwi anôtôi Bal to alê gwam siṇ ma sêjam sakiṇ Apômtau taugenṇ.

⁵ Go Samuel kêsôm gebe “Akac lau Israel samobgeṇ sa aṇga Mispa gebe jatenṇ mec êndêṇ Apômtau êtu amacṇa.” ⁶ Amboac tonatṇ êsêac sêkac taunṇ sa aṇga Mispa, sêkati bu, go sêsêwa kêsêp nom sêkô Apômtau laṇônêmṇa ma sêjam dabunṇ mo gêdêṇ oc samuc tonatṇ. Ma sêsôm lasê gebe “Aêac dagôm sec gêdêṇ Apômtaugoc.” Samuel kêmetôc lau Israel aṇga Mispa. ⁷ Gêdêṇ taṇ lau Pilisti sêṇô gebe lau Israel sêkac taunṇ sa aṇga malac Mispa naṇ, êsêacnêṇ gôliṇwaga sêpi dêdêṇ êsêac sêja. Lau Israel sêṇô biṇ tonatṇ ma têtêc

taunj kêtû lau Pilistiņa. ⁸ Ma lau Israel sêsôm gêdên Samuel gebe “Awam ênac Apômtau endenj tôngên êtu aêacņa gebe Apômtau ênam aêac kêsi anğa lau Pilisti lemenj.” ⁹ Amboac tonaņ Samuel kêkôc domba ņalatu tenj, taņ gênôm su gêmoa naņ, ma kêkênj samucgenj kêtû daja gêdên Apômtau. Ma enj kêtanğ gêdên Apômtau gêjô lau Israel su ma Apômtau kêkênj taņa ênê mec. ¹⁰ Gêdênj taņ Samuel kêkênj daja tau gêmoa naņ, ma lau Pilisti jatêdabinğ Israel gebe sênac sinğ êndênj êsêac. Mago Apômtau nê wapap gêjac kapôênj gê tôngênj gêsac lau Pilisti ņaô e gêjam êsêac salinğ-salinğenğ, tec lau Israel sêku êsêac tulu. ¹¹ Go lau Israel sêwi Mispa sinğ jasêjanda lau Pilisti to sêjac êsêac e jakêsêp gêdênj malac Bet-Kar ņalabuņa.

¹² Go Samuel kêkôc poc tenj jagêjac sa kêkô Mispa to Jesana ņasawa ma gê poc tau ņaê gebe Eben-Eser, ma kêsôm gebe “Apômtau gêjam aêac sa e mênğgêdênj tonec.” ¹³ Apômtau kêkôninğ lau Pilisti amboac tonaņ, tec êsêac sêmu sêmênj Israel nêņ gamênj kêtiam atom. Ma Apômtau lêma gejonğ êsêac gêdênj têm samob, taņ Samuel gêmoa mata jali naņ. ¹⁴ Malac taņ lau Pilisti sêjaņgo su anğa Israel naņ, kêtû lau Israel nêņ gênj kêtiam anğa Eskron e jagêdênj Gat. Ma lau Israel sêjam nêņ gamênj kêsi anğa lau Pilisti lemenj. Ma wama gêc Israel ma lau Amor ņasawa amboac tonaņenğ.

¹⁵ Ma Samuel kêtû lau Israel nêņ gôlinğwaga kêtôm têm samob, taņ enğ gêmoa mata jali naņ. ¹⁶ Kêtôm jalagenğ enğ kêsêlênğ gêjac laoc malac Betel to Gilgal ma Mispa ma kêmêtôc lau Israel nêņ binğ kêtôm malac tonaņ ņai. ¹⁷ Go gêmu jagênğgônğ Rama kêtiam

gebe ênê andu kêkô malac tônê. Anğa tônê enj gêjam gôlinj lau Israel amboac tonanjen. Ma enj gêboa Apômtaunê altar tenj sa kêkô tônê.

8

Lau Israel tetenj kinj tenj

¹ Gêdênj tanj Samuel kêtû ñamalacanô su nanj, enj kêkênj latui têtû gôlinjwaga Israelña. ² Latu ñacsêga nê ñaê Joel ma ñac kêtû luagêcña nê ñaê Abija. Êsêagêc têtû gôlinjwaga sêngônj malac Berseba. ³ Mago enj latuagêc sêpuc tamenj waña atom. Êsêagêc matenj katu mone. Sêkôc awa ñalêsinja ma sêjam mêtôc gêdênj ôkwi.

⁴ Go lau Israelnênj laumata samob sêkac sa dêdênj Samuel sêja Rama. ⁵⁻⁶ Ma sêsôm gêdênj enj gebe “Aôm kôtu ñamalacanô su ma latômagêc sêpuc aôm wañam atom. Amboac tonanj ôkênj kinj tenj êndênj aêac gebe ênam gôlinj aêac êtôm tentenjlatu samob nênj kinj sêgôm.” Êsêacnênj binj gebe” Ôkênj kinj tenj êndênj aêac gebe ênam gôlinj aêac” nanj, kêmoasinj Samuel atomanô, ma enj ketenj mec gêdênj Apômtau.

⁷ Ma Apômtau gêjô Samuel awa gebe “Ôkênj tanjam launênj binj, tanj sêsôm nanj, gebe êsêac têtinj aôm atom, têtinj aê ma sedec gebe jatu êsêacnênj kinj.

⁸ Êsêac sêwi aê sinj ma sêjam sakinj anôtôi jaba. Gênj samob, tanj sêgôm gêdênj aê gêdênj tanj kakôc êsêac su anğa Aiguptu e mênjgêdênj ocsalô tonec nanj, sêgôm gêdênj aôm amboac tonanjen. ⁹ Ôkênj tanjam êsêacnênj awenj, tagenj ôlênj binj êsêac ñajaña ma ôndônj kinj, tanj ênam gôlinj êsêac nanj, nê ñagôlinj êndênj êsêac.”

¹⁰ Go Samuel kasôm Apômtaunê biñ samob gêdên lau, tañ tetên kiñ ten gêdên en nan. ¹¹ Ma kêsôm gebe “Kiñ tau oc ênam gôlin amac ñalên amboac tonec gebe En oc êkôc amac latômi ma êkên êsêac sênam gôlin êna kareta siñña to sêngôn hos ñaô ma êkên êsêac sêlêti sêmun ênê kareta siñña. ¹² Ñagêdô en oc êkên êsêac tatu siñwaga 1,000 nêñ kapitai ma ñagêdô têtû siñwaga 50 nêñ kapitai. Ñagêdô sêkac ênê nom ôkwi to sejon ênê kôm ñanô sa. Ñagêdô oc sêmansañ laukasap siñña ma ênê kareta siñña ñagênlêlôm. ¹³ En oc êkôc amac latômio gebe sêmansañ gênmalu to seno ma sêpac gên. ¹⁴ En oc ejon nêñ kôm to wain ma katêkwiña ñañanô mataêjam samob su ma ênac sam gên tau êndên nê sakiñwaga. ¹⁵ En oc êkôc gên lemenlu-lemenlu ñatagen-tagen su anga nêñ kôm polom to wainña gebe êkên êndên nê gejobwaga to sakiñwaga. ¹⁶ En oc êkôc nêñ sakiñwagao to ñac ma nêñ bulimakao to donki ñajamanô su anga amacnêñ ma êkên sênam ênê kôm. ¹⁷ En oc êkôc nêñ domba lemenlu-lemenlu ñatagen-tagen ma amac taôm oc atu ênê gênôma. ¹⁸ Ma êndên bêt tonañ amac oc atan lasê êtu nêñ kiñ, tañ taôm ajalin sa nanña, mago Apômtau oc êkên tañ amac êndên bêt tonañ atom.”

¹⁹ Mago lau dedec gebe sênô Samuelnê biñ. Êsêac sêsôm gebe “Masianô, aêac abe akôc kiñ ten ênam gôlin aêac. ²⁰ Go aêac atôm lau tentenlatu samob. Aêacma kiñ ênam gôlin aêac to êwê aêac ma ênac aêacma siñ.” ²¹ Biñ samob, tañ êsêac sêsôm nan, Samuel gênô ma kêsôm lasê kêtiam gêdên Apômtau. ²² Ma Apômtau kêsôm gêdên Samuel gebe “Ôkên tañam êsêacnên biñ ma ôkên kiñ ten êndên

êsêac.” Go Samuel kêsôm gêdên lau Israel nêñ
ñacwaga gebe “Amu andên nêñ malacmôkê êndên-
êndêngeñ ana.”

9

Sêjalîñ Saul sa kêtû kin

¹ Ñac tenj anja Benjamin nê gôlôac gêmôa nê ñaê
Kis. Enj Abiel latu, nan Seroro latu, nan Bekorat
latu, nan Apia latu anja ton Benjaminña. En ñac
tolêlôm. ² En latu tenj gêmôa ñaê Saul. En ñac matac
ñajam. Ñac Israelña tenj lanôanô ñajam kêtôm enj
gêmôa atom. Môkêapac kelenj gamên su.

³ Bêc tenj Saul tama Kis nê donki têna ñagêdô
sêbôm. Amboac tonanj Kis kêsôm gêdên latu Saul
gebe “Ôkôc sakinwaga tenj êwinj aôm ma andi naan-
som donki têna tau.” ⁴ Êsêagêc sêsêlênj jasêsa gamênj
lôcña Epraim, go sêsêlênj jasêsa gamênj Salisaña,
mago têtap bôc tau sa atom. Sêsêlênj jasêsa gamênj
Salimña, mago sêmôa tonanj atom. Go agêc sêsêlênj
jasêsa gamênj Benjaminña, mago sesom elêmê am-
boac tonanjen.

⁵ Gêdên tanj jasêsa gamênj Supña nan, Saul kêsôm
gêdên sakinwaga, tanj gêwinj enj nan, gebe “Ajôc,
aêagêc tamu tana. Tamoc oc êwi donki têna ñabinj
sinj ma ê go tau êtu aêagêcña.” ⁶ Ma sakinwaga
tonanj gêjô enj awa gebe “Anôtônê ñac tenj gên-
gôn malac tonec. Enj ñac, tanj lau tetoc enj sa nan.
Binj samob, tanj enj kêsôm nan, ñanô kêsa. Aêagêc
dandên enj tana. Oc moae enj êsôm binj katô aêagêc
êtu lênj tec tasêlênj tamoa necña.” ⁷ Go Saul kêsôm
gêdên nê sakinwaga gebe “Aêagêc embe tana, go
takên asagenj êndênj ñac tau. Polom tanj gêc nêñ

talun nan, gëbacnê. Ma gën nageđô gebe takên êndên Anôtônê nac tauna gëc atom. Aëagëc nën asagen gëc.” ⁸ Sakinwaga tau gëjô en awa gebe “Ôlic acgom, aë kakôc silber 50 toea, aë oc jakên tonan êndên Anôtônê nac gebe êwa aëagëcnên lën sa.” ⁹ (Anga Israel andangen embe nac ten taë ênam gebe êtu kënac Anôtô êtu gën tena, nan êsôm gebe “Dandên nac-gêlic-gênwaga tana.” Gebe nac tan sêsam en galoc gebe Propete nan, andangen sêsam en gebe Nacgêlic-gênwaga.) ¹⁰ Saul kêsôm gebe “najam, dandên en tana.” Amboac tonan tec agëc sêsa malac, tan Anôtônê nac gëmoa nan sêja.

¹¹ Gêdên tan êsëagëc sêpi malac, tan gëc gamên nabau sêja nan, êsëagëc dëdac napalêo nageđô sêsa sêmên sebe sêkati bu, tec têtû kënac êsëac gebe “Gêlic-gênwaga gëmoa me masi.” ¹² Êsëac sêjô êsëagëc awen gebe “Aec, en kêsêlên gêmun amagëc. Galocgen en mêngêô lasê malac gebe ocsalô tonac lau sêkên da ten anga gamên nabau. ¹³ Êndên tan asa malac nan, oc atap en sa. En gebe êpi gamên nabau naênin gën. Gebe lau oc sênin gën atomgen e en êô lasê ma ênam mec da su acgom, go lau, tan sêkalem êsëac nan, sênin gën. Api anaman, oc atap en sa solopgen.” ¹⁴ Amboac tonan êsëagëc sêpi malac sêja ma gêdên tan êsëagëc sêsa malac nan, sêlic Samuel kêsêlên kêsê gêdên êsëagëc gêmên gebe êpi gamên nabau êna.

¹⁵ Bêc tan gêmun bêc Saul gêô lasêna nan, Apômtau geoc bin lasê gêdên Samuel ma kêsôm gebe ¹⁶ “Elenja êndên tan oc êkô amboac kêkô galoc nan, aë oc jakinan nac ten anga gamên Benjamin êndên aôm êwac. Ônin oso en êtu noc lau

Israel nêj kin. En oc ênam ñoc lau kêsi anğa lau Pilisti lemenj. Aê galic gêñwapac, tan ñoc lau sêôc nanj, gebe nêj tanjiboa kêsô aê tanjocsun sugac.”

¹⁷ Gêdên tan Samuel gêlic Saul nanj, Apômtau kêsôm gêdên en gebe “Ñac tau, tan kasôm ênê bin gêdên aôm nanj tonec. En ñac, tan oc ênam gôlinj ñoc lau.”

¹⁸ Go Saul kêtugasuc Samuel anğa malac ñasacgêdô ma kêsôm gêdên en gebe “Aê jatenj aôm gebe ôtôc Gêlic-gêñwaga nê andu êndênj aê.” ¹⁹ Samuel gêjô

en awa gebe “Ñac-gêlic-gêñwaga tau aê. Ômunj aê ôpi ôndênj gamênj ñabau ôna gebe ocsalô tec oc ôninj gêñ ôwinj aê. Ma êndênj bêbêcgenj oc jakênj aôm ôna ma jasôm binj tau, tan gobe ôtu kênac êndênj aê nanj, lasê êndênj aôm.

²⁰ Ôpô sim taôm êtu donjki têna, tan sêbôm gêdênj ñabêc kêtugêlêac gêjanja su nanj atom gebe têtap êsêac sa su. Mago lau Israel nêj awamata samob gêjac asa ñawae. Gêjac aôm to tamam nê gôlôac samob ñawae atom me.”

²¹ Saul gêjô en awa gebe “Aê ñac Benjaminja, lau Israel nêj gôlôacmôkê saunânô tau, ma aênoc gôlôac kêtug Benjamin nê gôlôacmôkê nêj gôlôac ñamuanô tau. Aôm kôsôm binj tonanj gêdênj aê kêtug agenja.”

²² Go Samuel gêwê Saul agêc nê sakinjwaga sêsô andu sêninj gêñja sêja ma kêkênj êsêagêc sêngônj lau, tan sêkalem êsêac nanj ñamata. Lau tau nanj namba amboac 30.

²³ Go Samuel kêsôm gêdênj-ñac-geno-gêñja gebe “Ôkôc gêñ, tan kakênj gêdênj aôm ma kasôm gebe otoc ênêc tau ña nanj ômôênj.”

²⁴ Tec geno-gêñwaga kêkôc akainj samuc to ñailênô ma ketoc kêkô Saul lanjônêmja ma Samuel kêsôm gebe “Ôlic gêñ ñagec tonec, tec tetoc kêkô aôm lanjômnmênja nec ôninj. Gêñ tonec sêmasanj kêtug

aômna gebe ênêc e êndên njanoc gebe ôniñ ôwiñ nacleñ.”

Amboac tonañ Saul geñ gên gêwiñ Samuel gêdên bêc tonañ. ²⁵ Gêdên tañ êsêac sêsêp anga gamên naban jasêo lasê malac nañ, êsêac sêja mê ten gêc andu nasalôm tapa-tapa naô kêtû Saulna ma en gêc bêc gêc tonañ.

Samuel geñ oso Saul kêtû kin

²⁶ Gêdên tañ gêu bôn nañ, Samuel gêmôêc kêpi gêdên Saul gebe “Ôndi sa, aê gabe jakên aôm ôna.” Saul gêdi ma êsêagêc Samuel lulugen sêsa intêna sêja.

²⁷ Sêsa malac namadin, go Samuel kêsôm gêdên Saul gebe “Ôsôm êndên nêni sakinwaga gebe êsêlên êmun aêagêc. En êoc lêlêc aêagêc su, go aôm taôm ômoa saungen acgom, gebe jasôm Anôtô nê bin êndên aôm ôñô.”

10

¹ Go Samuel kêkôc noplakôp toniptêkwi ma kêkêc kêpi Saul môkêapac ma kêlêsoñ en alianô ma kêsôm gebe “Apômtau geñ oso aôm gebe ôtu ênê lau Israel nêñ kin. Aôm oc ônam gôlin Apômtaunê lau to ônam êsêac kêsi anga nêñ nacjo, tañ sêgî êsêac auc nañ. Gêntalô tonêc êwa sa êndên aôm gebe Apômtau geñ oso aôm gebe ôtu ênê gênlênsêm nakin. ² Galoc embe ôwi aê sin, oc ôndac nac luagêc anga Rahelnê sêo, tañ gêc gamên Benjamin namalac Selsa nañ. Êsêagêc oc sêsôm êndên aôm gebe “Têtap donki têna, tañ gosom nañ, sa su. Ma galoc tamam taê gajam donki têna kêtiam atom, mago gê go tau kêtû aômna gêmôa ma kêsôm gebe “Aê janjom asagen

êtu ñoc latucña.” ’ 3 Anğa tonanğ aôm gacgenğ ôna e ô lasê kamem Tabornğa, go lau têlêac oc dêndac aôm. Êsêac oc sêpi malac Betel sêna gebe sêkênğ da êndênğ Anôtô. Tenğ êkôc noninğ ñalatu kapoac têlêac. Tenğ êkôc mopolom têlêac ma tenğ êkôc bôc ñaôlic towain. 4 Êsêac oc sê moalêc aôm ma sêkênğ mopolom luagêc êndênğ aôm. Aôm oc ôkôc su anğa êsêac lemenğ. 5 Go aôm ô lasê malac Gibeal Elohim, tanğ lau Pilisti nêñ malac gêc nanğ. Aôm oc ôndac propete ñatonğ tenğ anğa malac ñasacgêdô. Êsêac anğa gamênğ ñabau sêsêp sêmênğ. Gênğ wênğa togam to gegob ma onğ to gasuc ñakicsêa êwê êsêac ma nêñ katunğ kainğ tenğ amboac propete nêñ gêgôm êsêac. 6 Ma Apômtaunê Ñalau oc ênam aôm auc êlêlêc su ma nêñ katôm kainğ tenğ êsa êtôm propete tauñ nêñ, go aôm ôtu ñac wakuc tenğ samucgenğ. 7 Êndênğ tanğ gênğtalô tonanğ samob êtap aôm sa su nanğ, ôngôm êtôm nêñ ñalêlôm êkac aôm gebe Apômtau tau oc êwiñ aôm. 8 Ôsêp malac Gilgal ôna ômunğ aê, go aê jandênğ aôm jawac gebe jakênğ daja to dawama. Ônsaê aê bêc 7 acgom, go jandênğ aôm jawac ma jasôm gênğ, tanğ ôngômñğa nanğ, êndênğ aôm.”

9 Gêdênğ tanğ Saul kêkac tau ôkwi gebe êwi Samuel sinğ nanğ, go Anôtô kêkênğ ñalêlôm wakuc gêdênğ enğ ma gênğtalô samob tonanğ ñanô kêsa gêdênğ bêc tagenğ tonanğ. 10 Ma gêdênğ tanğ êsêagêc sêô lasê malac Gilgal nanğ, propete nêñ tonğ tenğ kêpuc enğ tônğ-tônğ. Ma Anôtônê ñalau gêjam enğ auc kêlêlêc su e katu kainğ tenğ kêsa ma jakêsêp êsêac ñalêlôm. 11 Lau samob, tanğ sêjala enğ gamunğ ma sêlic ênê katu kainğ tenğ kêsa amboac propete nêñ nanğ, sêsôm gêdênğ

taun gebe” Asagen gëgôm Kis latu Saul. En kêtû propete nêñ ten amboac tonañ me.” ¹² Ma ñac ten anga gamêñ tonañ kêsôm gebe “Êsêacnêñ tamenî asa.” Tec sêsôm tonec gebe “Saul kêtû propetenêñ ten amboac tonañ me.” ¹³ Gêdêñ tañ katu kain ten kêsâ su nañ, en gêja nê malac Gibeâ.

¹⁴ Go Saul sa langwa kêsôm gêdêñ en to nê sakinwaga gebe “Amagêc aja ondoci.” Tec en gêjô en awa gebe “Aêagêc asom donki têna ma gêdêñ tañ atap sa atom nañ, adêñ Samuel aja.” ¹⁵ Sa langwa kêsôm gebe “Ôsôm acgom, Samuel kêsôm asagen.” ¹⁶ Saul gêjô eo awa gebe “En kêsôm gêdêñ aêagêc gebe têtap donki têna sa su.” Mago bin kinña, tañ Samuel kêsôm nañ, en gêjac min gêwin atom.

Lau tetoc nêñ kin Saul sa

¹⁷ Gêdêñ ñasawa tonañ Samuel kêkalem lau Israel sêpi tagen dêdêñ Apômtau anga malac Mispa. ¹⁸ Ma kêsôm gêdêñ lau Israel gebe “Apômtau, Israel nêñ Anôtô nê bin amboac tonec gebe ‘Aê gawê Israel sêpi anga Aiguptu sêmêñ. Aê gajam amac kêsi anga lau Aiguptuñ ma anga gamêñ kinña samob, tañ sêkônin amac nañ.’” ¹⁹ Mago amac atin nêñ Anôtô, tañ gêjam amac sa anga nêñ gêñwapac to gêñ lênsônña samob nañ, su gêdêñ ocsalô tonec ma asôm gebe ‘Masi, ôkêñ kin ten ênam gôlin aêac.’ Amboac tonañ andênañ taôm akô Apômtau lanônênña êtôm nêñ gôlôacmôkê to nêñ sackapoacgêdôgêñ.” ²⁰ Samuel kêkêñ Israelnêñ gôlôacmôkê samob sêsa sêmêñ ma kêpuc kapoac e jakêsêp Benjaminña. ²¹ Go kêkêñ gôlôacmôkê Benjamin nêñ sackapoacgêdô gêdêñ-gêdêngeñ sêsa sêmêñ. En kêpuc kapoac e jakêsêp sackapoacgêdô

Matri. Go kêkêñ sackapoacgêdô Matri nêñ ñac tagen-tagen sêsa sêmêñ ma kêpuc kapoac e jakêsêp Kis latu Saul. Mago gêdêñ tañ sesom eñ nañ, eñ gêmôa atom. ²² Tec têtû kênac Apômtau kêtiam gebe “Ñac tau gêmêñ tonec me masi.” Ma Apômtau gêjô êsêac awen gebe “Aec, eñ kêsiñ tau gêmôa waba ñalêlôm.” ²³ Amboac tonan sêlêti sêja ma sêkôc eñ anga tonan. Ma gêdêñ tañ eñ kêkô lau ñalêlôm nañ, eñ ñac waso-waso kêlêlêc êsêac samob su. ²⁴ Go Samuel kêsôm gêdêñ lau samob gebe “Alic ñac tau, tañ Apômtau kêjaliñ sa nañ me masi. Ñac ten kêtôm eñ gêmôa lau samob ñalêlôm atom.” Go lau samob sêjam lasê ma sêmôêc gebe “Kin tau êmôa ñajamôn.”

²⁵ Ma Samuel gêwa mêtê to ñagôliñ kinña sa gêdêñ lau ma keto bin samob kêsêp buku ten ma ketoc gêc Apômtau lañônêmña. Tonan su, go Samuel kêsakiñ lau samob sêmu sêja nêñ andu gêdêñ-gêdêñgen. ²⁶ Saul tau gêmu gêja malac Gibe amboac tonan gen ma sinwaga, tañ Anôtô kêkac nêñ ñalêlôm nañ, jasêwiñ eñ. ²⁷ Mago lau sec ñagêdô sêmoa nañ sêsôm gebe “Ñac tonan oc ênam aêac sa amboac ondoci.” Êsêac sêpêc gêdô eñ ma sêkêñ gên ten gêdêñ eñ atom. Tagen Saul gêgôm amboac gêlic atom.

11

Saul kêku lau Amon tulu

¹ Lau Amon nêñ kin Nahas kêpi gêmêñ ma kêgi malac Jabes-Gilead auc. Go lau Jabes sêsakiñ bin gêdêñ Nahas gebe “Ômoatiñ poac ten ôwiñ aêac, go anam sakiñ aôm.” ² Mago ñac Amon Nahas gêjô êsêac awen gebe “Aê jamoatiñ poac tagen

tonec jawin amac gebe jakip amac matemlakôp anôña sa ma janğôm Israel samob majenêsa.” ³ Go lau Jabes-Gilead nêñ kasêga sêsôm gêdên en gebe “Ôkên ñasawa êtôm bêc 7 êndên aêac gebe asakin lau jaenña êtôm malac-malac Israelña samob sêna ma embe lau ten sênam aêac sa atom, go akên taun andên amac.”

⁴ Gêdên tan lau jaenña jasêo lasê malac Gibeaa, tan Saul gêngôn ma sêkên ñawae tau nan, lau samob sêpuc taniboa sa ma têtan. ⁵ Gêdên tonan Saul gêwê bulimakao gêmu anga kôm gêmên ma kêtû kênac gebe “Lau têtan taniboa tônê ñam amboac ondoci.” Go êsêac sêjac min lau Jabes nêñ bin gêdên en. ⁶ Gêdên tan Saul gêngo bin tau nan, Anôtônê Nyalau gêjam en auc ma en têtac ñandan sec. ⁷ Ma en kêkôc bulimakao luagêc ma kêsa gêngic-gêngic, go kêsakin lau jaenña gebe sênac sam êtôm gamên Israelña samobgen ma sêsôm bin tonec gebe “Lau tan sêndi nasêndanğuc Saul agêc Samuel atom nan, nêñ bulimakao oc têtap bin tonan en sa.” Go Apômtau gêngôm êsêac têtakê ñanô, tec êsêac dêdi tomalagen sêja. ⁸ Go Saul kêkac êsêac sa anga malac Besek. Lau Israel nêñ ñacwaga 300,000 to lau Juda nêñ 30,000. ⁹ Ma en kêsôm geden lau, tan sêkôc jaen sêmên nan, gebe “Asôm êndên lau Jabes-Gilead gebe ‘Elen oc ñandan êsa, go nêñ gênwapac ñagaô êsa.’ ” Gêdên tan lau jaenña sêo lasê malac nan, lau Jabes sênô bin tau e êsêac têtac kêpô su. ¹⁰ Go lau Jabes sêkên bin gêdên Nahas gebe “Elenña aêac oc ansun taun awac, go amac anğôm aêac atôm taêm ênam.” ¹¹ Gêdên gelenmata Saul gêwa nê lau kêkôc sêja ton têtac ma geden bebec kanucgen

êseac sêo lasê ñaçonêñ becobo ma sêjac lau Amon e oc ñandan kêsa. Ma lau ñapopoc sêc êlin-êlin e ñac luagêc sêmoa sêwiñ tauñ atom.

¹² Go lau sêsôm gêdêñ Samuel gebe “Lau ondoci sêsôm gebe ‘Saul ênam gôlin aêac atom.’ Ôkêñ êseac dandêñ aêac gebe tanac êseac êndu.” ¹³ Mago Saul kêsôm gebe “Êndêñ ocsalô tonec ñac ten êmac êndu atom, gebe galoc Apômtau gêjam nê lau Israel kêsi.” ¹⁴ Go Samuel kêsôm gêdêñ lau gebe “Ajôc, aêac tapi malac Gilgal ma tawaka mêtê kinña sa.” ¹⁵ Lau samob sêpi jasêo lasê Gilgal ma sêkêñ Saul kêtukin sêkô Apômtau lanônêmña. Ma sêkêñ da moasiñña gêdêñ Apômtau ma Saul to lau Israel samob têtac ñajam kêlêlêc.

12

Samuel kêsôm bin gêdêñ lau samob

¹ Go Samuel kêsôm bin gêdêñ lau Israel samucgen gebe “Aê kakêñ tanoc amacnêm bin atênña samob ma kakêñ kin ten gêdêñ amac gebe ênam gôlin amac. ² Ma galoc kin tau oc êwê amac. Aê katu ñamalacanô su ma môdê kêpi aê ma aê latuci sêmoa sêwiñ amac. Aê gawê amac gêdêñ aê ñapalêgen e mên gêdêñ galoc. ³ Aê tec gamoa. Aênoc bin ten embe ênêc amacña, nan asôm lasê galoc tamoa Apômtau to ñac, tan gen oso en nan, lanônêmña. Aê kajanço asanê bulimakao su. Aê kakôc asanê donki su. Aê gagôm keso gêdêñ ñac ondoci ma kakônin asa. Ñac ondoci kêkêñ awa ñalêsina gêdêñ aê gebe ênac aê matoc su. Asôm lasê gebe jakêñ gên tau ñagêjô.” ⁴ Êseac sêjô ênê bin gebe “Aôm gôgôm keso ten gêdêñ aêac atom to

kôkônîŋ aêac atom ma kôkôc awa ŋalêsîŋa teŋ aŋga lau teŋ nêŋ atom.” ⁵ Go eŋ kêsôm gêdêŋ êsêac gebe “Apômtau tau kêjala ma ênê ŋac geŋ osoŋa gêlic gêdêŋ ocsalô tonec amboac tonangeŋ gebe amac atap gêŋ teŋ sa gêc aê lemoc atom.” Ma êsêac sêjô eŋ awa gebe “Aec, Apômtau kêjala.”

⁶ Go Samuel kêsôm gêdêŋ lau gebe “Apômtau taŋ kêkêŋ Mose agêc Aron ma sêwê nêŋ tamemi sêpi aŋga Aiguptu sêmêŋ naŋ kêjala. ⁷ Amboac tonan andi mênjakô gebe dawa nêŋ biŋ sa takô Apômtau laŋônêŋ ŋa ma aê jawa Apômtaunê moasiŋ samob, taŋ kêkêŋ gêdêŋ amac to nêŋ tamemi naŋ sa. ⁸ Gêdêŋ taŋ Jakob kêsêp Aiguptu gêja ma lau Aiguptu sêkônîŋ eŋ ŋa gêŋwapac naŋ, amac tamemi sêmôêc gêdêŋ Apômtau. Go eŋ kêsakiŋ Mose agêc Aron, taŋ sêkôc tamemi su aŋga Aiguptu ma sêkêŋ êsêac sêŋgôn gamêŋ tonec. ⁹ Mago êsêac sêliŋ Apômtau, nêŋ Anôtô siŋ, tec Anôtô gêwi êsêac siŋ sêsêp kiŋ Hasor aŋga Jabin nê siŋsêlêc Sisera ma lau Pilisti to lau Moab nêŋ kiŋ, taŋ sêjac siŋ gêdêŋ êsêac naŋ lemeŋ. ¹⁰ Gêdêŋ tonan êsêac têtaŋ gêdêŋ Apômtau ma sêsôm gebe ‘Aêac agôm sec, aêac awi Apômtau siŋ ma ajam sakiŋ Bal agêc Astarot. Mago galoc ônam aêac kêsi aŋga ma ŋacjo nêŋ ma aêac anam sakiŋ aômgeŋ.’ ¹¹ Amboac tonan Apômtau kêkêŋ Jerubal agêc Balak ma Jepta agêc Samuel sêjam amac kêsi aŋga nêŋ ŋacjo, taŋ sêgî amac auc naŋ, lemeŋ ma amac amoa ŋajam.

¹² “Ma gêdêŋ taŋ alic lau Amon nêŋ kiŋ Nahas gêmêŋ gebe ênac siŋ êndêŋ amac naŋ, amac aliŋ nêŋ kiŋ ŋanô Apômtau, amacnêŋ Anôtô, siŋ ma asôm gadêŋ aê gebe ‘Masi, kiŋ teŋ anam gôliŋ aêac.’

¹³ Amboac tonan kin, tan ajalin sa to aten en nan, Apômtau kêkên en gebe ênam gôlin amac. ¹⁴ Embe atoc Apômtau sa ma anam sakin en akên tanem ênê bin ma ali awem sa êndên Apômtaunê binsu atom, embe amac to nê m kin tau, tec gêjam gôlin amac nec andanuc Apômtau, nê m Anôtô, go amoa njam. ¹⁵ Mago amac embe akên tanem Apômtaunê bin atom, ma embe ali awem sa êndên ênê binsu, go Apômtaunê lêma oc ense amac êtôm gêgôm gêdên tamemi. ¹⁶ Amboac tonan atu gasuc amên ma alic gêntalô kapôên nan, Apômtau oc êngôm êndên amac matemanôgen. ¹⁷ Galoc noc tanac mopolom nanô san me. Aê oc jaten Apômtau ma en êkên wapap to kom ênac, go alic to ajala gebe Apômtau gêlic nê m bin aten kêt kinja sec.” ¹⁸ Go Samuel kete Apômtau, ma Apômtau kêkên wapap to kom gêjac gêdên oc tonan. Ma lau samob têtêc Apômtau agêc Samuel nanôgen. ¹⁹ Ma sêsôm gêdên Samuel gebe “Oten Apômtau, aômnê m Anôtô, ôjô nê m sakinwaga aêac su, gebe ênam aêac sa ec amac êndu atom. Gebe ma sec gêc kwanangen ma agôm keso tonan jagêwin gebe aten kin ten.” ²⁰ Samuel kêsôm gêdên lau gebe “Atêc taôm atom. Amac agôm sec samob tonan bin nanôgen, tagen andanuc Apômtau awi sin atom, anam sakin Apômtau na nê m nalêlôm samucgen. ²¹ Akac taôm su anga ênê atom gebe anam sakin gwam, tan sênam lau sa to sênam lau kêsî sêngôm êtôm atom nan, gebe nanô masî. ²² Apômtau oc êtin amac su atom kêt ênê nê kapôênja. En kêsôm kêt tô n gebe êkên amac atu ênê lau. ²³ Aê tauc amboac tonan. Aê janac jaê bin tonec gebe jan gôm sec êndên Apômtau ma jawi mec

êtu amacña sinj atom. Masianô, aê oc jandôn intêna njam to solop êndên amac jamoa. ²⁴ Tagenj atêc Apômtau to anam sakinj en njânên to nê m njalêlôm samucgen. Asala gênsêga samob, tanj en gêgôm kêt u amacña nanj. ²⁵ Mago embe anjôm sec amoa, go amac ananja to nê m kinjenj.”

13

Saul gêjac sinj gêdên lau Pilisti

¹ Saulnê jala kêt u ... ma enj kêt u kinj, ma enj gêjam gôlinj Israel jala ... ² Enj kêjalinj njacwaga 3,000 sa anja Israel. 2,000 sêmoa sêwinj enj sêngôn malac Mikmas to gamênj lôc Betelnja. Ma 1,000 sêmoa sêwinj Jonatan sêngônj malac Gibe Benjaminja. Lau sinj njagêdô samob Saul gêwi sinj sêmu sêja nênj malac.

³ Go Jonatan gêjac lau Pilisti nênj gejobwaga, tanj gêngônj Gibe nanj êndu. Lau Pilisti sênjô binj tonanj njawae. Go Saul kêjatu lau sêjac dauc kêtanj kêtôm gamênjenj ma kêjatu gebe “Lau Hebrai sêkênj tanjenmanj.” ⁴ Lau Israel samob sênjô Saul gêjac Pilisti nênj gejobwaga êndu njawae ma sênjô gebe nênj waenj kêt u sec anja lau Pilisti nênj. Ma Saul kêkalem lau samob gebe sêndanguc enj sêna malac Gilgal.

⁵ Lau Pilisti sêkac tauj sa sebe sênac sinj êndên Israel. Êsêacnênj kareta sinja 3,000 to lau sêngônj hos njaôna 6,000 ma lau sinj njagêdô taêsam njanô lasê kêtôm ganjac gwêcña. Êsêac sêpi jasê nênj becobo anja malac Mikmas, tanj gec Bet Awen njamakenj oc kêpija nanj. ⁶ Gêdênj tanj lau Israel sêlic gebe lau Pilisti oc sêôc êsêac popoc gebe sêkapij êsêac sa njanôgenj nanj, êsêac sêsinj tauj ôkwi semoa poclabu

to nom gêsuj ma poc kapôên-kapôên ñasawa to sê
tuc ma sê buña. ⁷ Ma ñagêdô selom bu Jordan
jasêmoa Gad to Gilead ñagamên. Saul gacgen gêmoa
malac Gilgal ma lau samob, tañ têdaguc en nañ,
têtêc taun ñasec.

⁸ Saul kêsâê bêc 7, kêtôm tañ Samuel kêsam gêdên
en gebe naêndac en nañ, mago Samuel jagêô lasê
Gilgal atom. Amboac tonañ lau sêwi Saul sin-sin
sêja. ⁹ Tec Saul kêsôm gebe “Akôc daja to dawama
andên aê amên.” Ma en tau kakên daja tonañ.
¹⁰ Saul kêkên da tau gêbacnê su, go Samuel mêngeô
lasê. Saul kêpuc en tôñ-tôñ gebe ê moalêc en.
¹¹ Mago Samuel kêsôm gebe “Aôm gôgôm asagen.”
Ma Saul gêjô en awa gebe “Aê galic lau sêwi aê
sin ma aôm gômôên kêtôm gôjac noc nañ atom ma
lau Pilisti sêkac taun sa aña Mikmas, ¹² tec taêc
gêjam gebe lau Pilisti oc sêsêp Gilgal mênșênac aê
êmun noc jamansañ biñ êndên Apômtau êtu êlic
aê ñajamña. Amboac tonañ ñoc ñalêlôm kêkac aê
ma kakên daja tau.” ¹³ Go Samuel kêsôm gêdên
Saul gebe “Aôm gôgôm gêñ meloc, gôgôm Apômtau,
aômnêm Anôtô, nê biñsu, tañ kêjatu aôm nañ, ñanô
kêsa atom. Embe ôngôm ñanô êsa oc Apômtau ênac
dabiñ aôm gebe ôtu Israelnên kin enden tângên.
¹⁴ Mago galoc nêm gôlin kinña oc ênêc enden
tângên atom. Apômtau kêjalin nê ñac ten sa kêtôm
ênê ñalêlôm ma kêkên en kêtû ênê launên gôlinwaga
gebe aôm gôgôm biñ, tañ Anôtô kêjatu aôm nañ,
ñanô kêsa atom.” ¹⁵ Ma Samuel gêdi aña Gilgal
jakêpi malac Gibeab Benjaminña.

Saul kêsa lau, tañ sêmoa sêwin en nañ sa. Lau
tau amboac 600 gen. ¹⁶ Saul agêc latu Jonatan ma

lau, tañ sêmoa sêwiñ eñ nan, jasêngôn malac Gibe Benjaminña ma lau Pilisti sêngôn nêñ becobo anga malac Mikmas. ¹⁷ Anga tonan lau Pilisti sêsakin sinwaga gebe sêjango launên gêñ. Êsêac sêwa taun kêkôc gêja mata tâlêac. Mata ten gêja malac Opra, tañ gêc gamên Sualña. Mata ten gêja malac Bet Horon ¹⁸ ma ten kepen gamên nabau, tañ sêkô ma sêlic gaboan Seboim to gamên sawa nan.

¹⁹ Anga gamên Israel samucgen ñackêpac-kiwaga ten gêmoe atom gebe lau Pilisti sêsôm gebe” O moae lau Ebolai sêmansan sin to kêm ki”. ²⁰ Tec lau Israel samob dêdên lau Pilisti sêja gebe sêuc êsêacnên sakwen ki to kinom ma ki to bôjan jalô. ²¹ Lau Pilisti embe sêuc sakwen ki me kinom, go lau Israel sênam ôli ña mone tâlêac, ma embe sêuc ki me bôjan jalô, go sênam ôli ña mone tagen. ²² Amboac tonan gêdên sin kêsa lau samob, tañ sêmoa sêwiñ Saul agêc Jonatan nan, nêñ ten kêkôc sin me kêm ki atom, Saul agêc Jonatan taunjen tec sêkôc. ²³ Lau Pilisti sêsakin sinwaga ton ten gebe sejop intêna ñamanji Mikmasña. *

14

Jonatan kêkili sinwaga Pilistinja

¹ Bêc ten Saul latu Jonatan kêsôm gêdên ñac, tañ gêôc ênê laukasap nan gebe “Ajôc, dandên Pilistinên sinwaga, tañ sêngôn ñamaken ônêña nan tana.” Mago kêsôm ñawae gêdên tama atom. ² Gêdên tonan Saul kêkô ka ñanô ten ñalabu anga malac Migron, tañ gêc Gibe nan, ma lau 600

* **13:23:** Anga Hebolai awen namba jalanja gêc awê atom.

sêmoa sêwiŋ eŋ. ³ Ma Ahija, Iskiabod nê lasi Ahitub latu eŋ kêsô ŋakwê dabuŋ. Ahitub eŋ Apômtaunê dabuŋwaga Eli, taŋ gêŋgôn Silo naŋ, nê latu Pinehas latu eŋ. Lau teŋ sêŋô Jonatan gêja ŋawae atom. ⁴ Anŋa intêna ŋamaŋgi, taŋ Jonatan kêsa gebe naêô lasê lau Pilisti nêŋ siŋwaga naŋ, poc soso balin luagêc kêkô maken-maken, sêsam teŋ gebe Beses ma teŋ gebe Sene. ⁵ Teŋ kêkô gêmu kêsô Mikmasŋa ma teŋ kêkô gêmu kêsa Gebaŋa.

⁶ Jonatan kêsôm gêdêŋ ŋac, taŋ gêôc ênê laukasap naŋ, gebe “Ajôc, talom dandêŋ lau samuc naŋ siŋwaga tana. Oc moae Apômtau ênam kôm êtu aêagêcŋa. Eŋ kêtôm gebe êkêŋ aêagêc taku ŋacjo tulu ma ŋacjo taêsam me luagêcgeŋ têtôm gebe sêkô eŋ auc atom.” ⁷ Ma ênê ŋac, taŋ gêôc ênê laukasap naŋ, gêjô eŋ awa gebe “Ôŋgôm êtôm aôm taêm gêjam. Ônamaŋ. Aê oc jawiŋ aôm. Biŋ taŋ aôm taêm gêjam naŋ, aê taêc gêjam amboac tonanŋeŋ.” ⁸ Jonatan kasôm gebe “Najam, talom natatôc taun êndêŋ êsêac sêlic aêagêc. ⁹ Êsêac embe sêsôm êndêŋ aêagêc gebe ‘Akô tonan e aêac awac’, go aêagêc takô maleŋ ma dandêŋ êsêac tana atom. ¹⁰ Mago embe sêsôm gebe ‘Api andêŋ aêac amêŋ’, go aêagêc tapi tana gebe biŋ tonan oc êkêŋ puc aêagêc gebe Apômtau kêkêŋ lau Pilisti sêsêp aêagêc lemeŋ.” ¹¹ Amboac tonan êsêagêc têtôc taun gêdêŋ Pilisti nêŋ siŋwaga sêlic êsêagêc. Ma lau Pilisti sêsôm gebe “Alic acgom, Ebolai sêsa anŋa gêsun, taŋ sêsŋ taun sêmoa naŋ sêmêŋ.” ¹² Go sêmôêc gêdêŋ Jonatan agêc nê ŋac, taŋ gêôc ênê laukasap naŋ, gebe “Api andêŋ aêac amêŋ. Aêac abe atôc gêŋ teŋ êndêŋ amagêc.” Jonatan kêsôm gêdêŋ nê ŋac

gebe “Ajôc, ôndanğuc aê. Apômtau kêkên êsêac sêsêp Israel lemen sugac.” ¹³ Jonatan kêgalap kêpi ña akain to lêma gêmun ma nê ñac kêdaguc en. Jonatan kêsôlô lau Pilisti jagwac-jagwac jasêc ma nê ñac gêjac êsêac êndu kêdaguc-kêdaguc. ¹⁴ Jonatan agêc nê ñac sêjac sin kwapuc ma sêjac lau amboac 20 êndu anğa nom ñasawa saun ten. ¹⁵ Pilisti nêñ sinwaga selendec ñanô ma lau Pilisti samob amboac tonan. Sinwaga to sêjanğowaga katun un tagen. Ôjô gêjam ma Anôtô kêtakê êsêac ñanôgen.

Sêku lau Pilisti tulu

¹⁶ Saulnê dibwaga anğa malac Gibe Benjam-inğa sêlic Pilisti sêwê sêlêsagen. ¹⁷ Amboac tonan Saul kêsôm gêdên lau, tan sêwin en nan gebe “Asa lau sa ma alic asa gêwi aêac sin.” Sêsa lau sa e sêlic gebe Jonatan agêc ñac, tan gêôc ênê laukasap nan, sêmoa atom. ¹⁸ Tec kêsôm gadên Ahija gebe “Ôkôc Anôtônê poac ñakatapa ômôên.” Gêdên ñasawa tonan êsêac sêbalan Anôtônê poac ñakatapa gêwin lau Israel. ¹⁹ Saul kêsôm bin gêdên dabunwaga gêmôa ma ñaonda anğa Pilisti nêñ gamên becobaña kêtû kapôên. Tec Saul kêsôm gêdên dabunwaga gebe “Ôpuc kapoac dabun atom.” ²⁰ Go Saul gêwin lau samob, tan sêmoa sêwin nan, têdênan taun sebe sênac sin. Êsêac sêlic gebe lau Pilisti sêjac taun sejogen ma ñalênsôn kêtû kapôên. ²¹ Ma lau Ebolai, tan sêmoa sêwin Pilisti kwanangen ma sêwin êsêac jasênğon gamên becobaña nan, sêwi êsêac sin ma sêkac taun ôkwi jasêwin Saul agêc Jonatan. ²² Ma lau Israel samob, tan sêsin taun sêmoa lôc Epraim nan, sênô ñawae gebe lau Pilisti sêc sin su sêja,

tec êsêac jasêwiñ ma sêjanda lau Pilisti amboac tonanğen. ²³ Amboac tonanğ Apômtau gêjam Israel kêsi gêdênğ bęc tonanğ ma sêjac sinğ e jasêlêlêc malac Bet Awen su.

Sinğ gêbacnê ma binğ kêsa

²⁴ Lau Israel sêjac sinğ e tekwenğ gêbac samucgenğ, gebe gêdênğ bęc tonanğ Saul kêtôc lêma ma kêjatu nê lau gebe “Aê japuc boa ñac, tanğ êniñ gênğ e oc naêsêp ma aê jakac ñoc kamocğôc êpi ñoc ñacjo.” Amboac tonanğ lau tenğ awenğsunğ kêsac gênğ taniñğa tenğ atomanô. ²⁵ Ma lau samob jasêô lasê malenğ ma têtap lêp sa gęc nom. ²⁶ Mago lau, tanğ têtap sa ma sêlic lêp tau gêwê nanğ, nênğ tenğ kêmêtôc lêma jakêkôc mênğenğ ñagec atom gebe têtêc Saul nê binğ kêpuc boanğa. ²⁷ Mago Jonatan gênğô tama kêsôm binğ êpuc boa launğa tonanğ atom. Tec enğ kêmêtôc nê tôc, tanğ kêmêgôm nanğ, jakêsac ñatêpôê kêsêp lêp, go kêkênğ kêsô awasunğ ma gênğ tau kêlau enğ. ²⁸ Go lau tau nênğ ñac tenğ kêsôm gêdênğ enğ gebe “Tamam gêjac jao gênğ tonanğ to kêtôc lêma gêwiñ ma kêsôm gebe ‘Aê japuc boa ñac, tanğ êniñ gênğ êndênğ ocsalô tonec.’ Tec lau samob tekwenğ gêbac.” ²⁹ Go Jonatan kêsôm gebe “Aê tamoc gêgôm keso gêdênğ aêacnênğ lau, Alic acgom, aê matocanô ñawa kêsa gebe gaenğ lêp tonec ñagecgenğ. ³⁰ Ocsalô tonec lau embe sêninğ gênğ, tanğ sêjanğo su anğa ñacjo nênğ nanğ, oc ñajam êlêlêc, oc sênac lau Pilisti popoc samucgenğ.”

³¹ Gêdênğ bęc tonanğ lau Israel sêku lau Pilisti tulu to sêjanda êsêac anğa Mikmas e gêdênğ Aijalon. Mago lau tekwenğ gêbac ñanô. ³² Tec êsêac jasêkac domba to bulimakao ñalatu, tanğ sêjanğo su nanğ

ɲagaôgeɲ, ma sêjac êndu gêc nom ɲaôma paliɲ-paliɲgeɲ ma seɲ ɲamêsôm todecgeɲ. ³³ Go êsêac sêsôm gêdêɲ Saul gebe “Ôɲô acgom, lau sêgôm sec gêdêɲ Apômtau ma seɲ gêɲ todec.” Eɲ kêsôm gebe “Amac agôm secgoc. Ansambi poc kapôêɲ teɲ êmêɲ tonec.” ³⁴ Go Saul gêjac têku nê biɲ gebe “Andêɲ lau naasôm êndêɲ êsêac gebe ‘Lau samobgeɲ sêkôc nêɲ bulimakao to domba dêndêɲ aê sêmêɲ gebe sêmbuc aɲga tonec ma sêniɲ. Mago aɲgôm sec êndêɲ Apômtau gebe aniɲ gêɲ todecgeɲ atom.’” Amboac tonan gêdêɲ gêbêc lau samob sêkôc nêɲ bulimakao gêdêɲ-gêdêɲgeɲ sêmêɲ ma sêbuc aɲga tonan. ³⁵ Ma Saul gêboa Apômtaunê altar teɲ sa ma altar tau kêtu Saulnê altar ɲamataɲa, taɲ gêboa gêdêɲ Apômtau nan.

³⁶ Go Saul kêsôm gebe “Ajôc, tasêp tandanɲuc lau Pilisti tana êndêɲ êmbêc ma tajaɲgo êsêacnêɲ gêɲ su e oc êpi, ma êsêacnêɲ ɲac teɲ êwê aêac sa atom.” Lau samob sêjô eɲ awa gebe “Ôɲgôm gêɲ, taɲ taêm gêjam gebe ɲajam nan.” Mago dabuɲwaga kêsôm gebe “Tatu gasuc dandêɲ Apômtau tana acgom.”

³⁷ Amboac tonan Saul kêtu kênac Anôtô gebe “Aê jasêp najanda lau Pilisti me masi. Aôm oc ôkêɲ êsêac sêsêp Israel lemeɲ me masi.” Mago Anôtô gêjô eɲ awa gêdêɲ bêc tonan atom. ³⁸ Tec Saul kêsôm gebe “Amac lau nêɲ kasêga samob, amêɲ ma akip biɲ sa e ajala gebe asa gêgôm keso geden ocsalô tonec biɲɲanôgeɲ. ³⁹ Aê jasôm êtu tôn êtu Apômtau, Israelnêɲ kêsiwaga, taɲ gêmoa mata jali nanɲa, gebe biɲ tau embe anêc aê latuc Jonatanɲa eɲ oc êmac êndu biɲɲanô.” Mago lau nêɲ teɲ gêjô eɲ awa atom. ⁴⁰ Go Saul kêsôm gêdêɲ lau

Israel samob gebe “Amac lau samob akô ñamaken ma aêagêc latuc Jonatan akô ñamaken.” Ma lau samob sêjô en awa gebe “Ôngôm gêñ, tañ gôlic gebe oc ñajam nañ.” ⁴¹ Tec Saul kêsôm gebe “O Apômtau, Israelnêñ Anôtô, amboac ondoc tec gôjô nêñ sakinwaga awa gêdên ocsalô tonec atom. O Apômtau, Israelnêñ Anôtô, tốp tau embe ênêc aê me latuc Jonatan, go ôkên Urim, mago embe tốp tau ênêc nêñ lau Israelña, go ôkên Tumim.” Ma Jonatan agêc Saul sêwê kain tốp ma lau Israel sêmoa. ⁴² Go Saul kêsôm kêtiam gebe “Apuc kapoac êtu aêagêc latuc Jonatanña.” Ma kêtap Jonatan sa.

⁴³ Go Saul kêsôm gêdên Jonatan gebe “Ôsôm êndên aê gebe gôgôm asagen.” Tec Jonatan kêsôm lasê gêdên en gebe “Binñanô, aê gaen lêp ñagec, tañ kêsap tôc, tañ kamêgôm nañ tôn. Aê tec kakô aê jamac ênduman.” ⁴⁴ Ma Saul kêsôm gêdên en gebe “Aôm embe ômac êndu atom, go Anôtô enen aê suman.” ⁴⁵ Go lau sêsôm gêdên Saul gebe “Jonatan tañ kêku ñacjo tulu toñaclaigen anga Israel ñalêlôm nañ, oc êmac êndu me. Masianô. Aêac asôm êtu tôn êtu Apômtau, tañ gêmôa mata jali nañña gebe ênê môkêlaun tagen êu tau êsêp nom atom.” Amboac tonan lau sêjam Jonatan kêsî gebe êmac êndu atom. ⁴⁶ Go Saul kêjanda lau Pilisti kêtiam atom ma gêc gêja. Ma lau Pilisti sêc sêmu sêja nêñ gamên.

Saulnê gôlin to gôlôac

⁴⁷ Gêdên tañ Saul kêtî kin Israelña su nañ, en gêjac sin gêdên nê ñacjo anga gamên samob. En gêjac sin gêdên lau Moab to Amon ma Edom, gêjac sin gêdên kin Sobaña ma gêdên lau Pilisti. Anga gamên samob, tañ en gêjac sin kêsa nañ, en kêku

êsêac tulu. ⁴⁸ Enj kêtôc nê ñaclai ma kêku lau Amalek tulu, ma gêjam Israel kêsi anğa lau sêjanğowaga nêñ.

⁴⁹ Saul latui nêñ ñaê tonec gebe Jonatan agêc Iswi ma Malkisua. Ma latuio nêñ ñaê tonec gebe awêsêga nê ñaê Merab, ma awê saun nê Mikal.

⁵⁰ Saul tau nê awê nê ñaê gebe Ahinoam, enj Ahimmas latuo. Ênê sinwaganêñ ñac sinşêlêc nê ñaê Abner. Enj Saul tama saun Ner latu. ⁵¹ Saul tama Kis ma Abner tama Ner êsêagêc nêñ tamenji Abiel.

⁵² Gêdêñ tēm samob, tan Saul gēmoa nom nan, enj gējac sin ñajaña sec gēdêñ lau Pilisti ñapan. Ma enj embe êlic ñactêkwa to ñaclai ten, nan enj êkêñ en naêwiñ ênê sinwaga. * †

15

Sin gēdêñ lau Amalek

¹ Samuel kêsôm gadêñ Saul gebe “Apômtau kêsakiñ aê gebe janiñ oso aôm ôtu ênê lau Israel nêñ kin. Amboac tonan galoc ôkêñ tanam Apômtau awa acgom. ² Lau sin undambêña nêñ Apômtau kêsôm bin tonec gebe ‘Aê gabe jakêñ ñagêjô êndêñ Amalek êjô gēñ, tan êsêac sêgôm gēdêñ Israel. Êsêac sêkô intêna auc êsêac gēdêñ tan sêpi anğa Aiguptu saman nan. ³ Galoc ôna ma ônac Amalek ma onsenj êsêac to nan gēñ samob su. Taêm walô êsêac atom. Ônac samob êndu, ñacwaga to lauo ma ñapalêo to ñac ma ñapalê dedec, bulimakao to domba ma kamel to donki.’ ”

* **14:52:** Ñakwê tau Ebolai sêsam gebe Epod. † **14:52:** Tumim to Urim Israelnêñ kapoac ñaê.

⁴ Tec Saul kakalem lau sêpi tagen anga Telaim. Êsêac sinwaga Israelna 200,000 ma Judawaga 10,000. ⁵ Saul mêngêô lasê Amaleknê malacsêga ma gêwa êsêac gêc nê gamênna gaboan. ⁶ Go Saul kêsakin bin gadên lau Ken gebe “Andi, awi Amalek sin, aêc asêp ana gebe jansen amac su awin êsêac atom, gebe amac amoasin lau Israel gadên tan sêpi anga Aiguptu sêmên nan.” Amboac tonan lau Ken sêwi lau Amalek sin. ⁷ Go Saul kêku lau Amalek tulu anga malac Hawila e gêdên Sur, tan gêc kêkanôn Aiguptu ngamên oc kêpinan nan. ⁸ En kakôc lau Amalek nan kin Agag tôn tomata jaligen ma gesen lau samob su na sin. ⁹ Mago Saul to nê lau taên walô Agag ma domba to bulimakao nalatu njam-njam to domba nalatu ma gên ngêdô samob, tan sêlic njam nan, tec sebe sensen su sênanan atom. Mago êsêac sesen gên sec-sec to natêkê samobgen su.

Saul tanapêc ma Anôtô kêtin en su

¹⁰ Tec Apômtau nê bin gêdên Samuel gebe ¹¹ “Aê gaen olin gebe kakên Saul kêtin kin owagen gebe en gêbuc dêmôê aê ma gêgôm aênoc jatu nanô kêsatom.” Samuel nê nalêlôm nawapac ma kêtan gêdên Apômtau gêdên gêbêc samuc tonan. ¹² Nâbêbêc kanucgen Samuel gêdi gebe êpuc Saul tôn-tôn gêja. Go bin tonec gêdên Samuel gebe “Saul kêpi lôc Karmel ma jagêboa nabelo ten sa kêtin en tauna anga tonan, go kêkac tau ôkwi kêsêp malac Gilgal gêja.” ¹³ Samuel jakêtap Saul sa ma Saul gê moalêc en gebe “Apômtau ênam mec aôm. Aê gagôm Apômtaunê jatu nanô kêsagac.” ¹⁴ Mago Samuel kêsôm gebe “Nan amboac ondoci, tec ganô

domba kêtaŋ kêsô taŋocsuŋ ma bulimakao kêtaŋ mênŋaŋô.” ¹⁵ Saul gêjô eŋ awa gebe “Lau sêkôc gêŋ tau aŋga Amaleknêŋ. Êsêac taêŋ walô domba to bulimakao ŋajam-ŋajam tonec gebe sêkêŋ êtu da êndêŋ Apômtau, aômnêm Anôtô. Gêŋ ŋagêdô aêac asen su samucgen.” ¹⁶ Ma Samuel kêsôm gêdêŋ Saul gebe “Kêtômgac. Aê gabe jasôm biŋ, taŋ Apômtau kêsôm gêdêŋ aê gêdêŋ gêbêc naŋ, êndêŋ aôm.” Ma eŋ gêjô eŋ awa gebe “Ôsôm acgom.”

¹⁷ Ma Samuel kêsôm gebe “Aôm gôlic taôm amboac ŋac ŋaôma, mago kôtu gôlôacmôkê Israelnêŋ nêŋ laumata ma Apômtau gen oso aôm kôtu Israelnêŋ kiŋ. ¹⁸ Ma Apômtau kêsakiŋ aôm gebe naonsen lau alôb-alôb Amalek su ma ônac siŋ êndêŋ êsêac e sênaŋa samucgen. ¹⁹ Kêtu asagenŋa aôm taŋam wamu Apômtau awa atom. Kêtu agenŋa nêm ŋalêlôm kêboan kêtû êsêacnêŋ awamataŋa ma gôgôm gêŋ, taŋ Apômtau gêlic sec naŋ.” ²⁰ Saul gêjô Samuel awa gebe “Aê taŋoc wamu Apômtau. Aê gaja kêtôm Apômtau kêsakiŋ aê. Ma aê kakôc lau Amalek nêŋ kiŋ Agag gamêŋ ma gasen Amalek ŋagêdô samob su sêjaŋa. ²¹ Mago lau sêkôc domba to bulimakao aŋga awa siŋŋa ŋajamanô tau, taŋ Apômtau kêjatu gebe sênaŋa naŋ, gebe sêkêŋ êtu da êndêŋ Apômtau, aômnêm Anôtô aŋga malac Gilgal.”

²² Go Samuel kêsôm gebe “Apômtau mataanô gêlic daja to da ŋagêdô ŋawa kêtôm takêŋ taŋen Apômtau awa me. Ôlic acgom, taŋen wamu kêlêlêc da su ma takêŋ taŋen naŋ kêlêlêc domba kapoac ŋalêsi su amboac tonan. ²³ Taŋenpêc tau gêŋ sec kêtôm beŋ ma gêsun têkwa ŋatonêŋ kêtôm sakiŋ gwamŋa. Aôm kôtiŋ Apômtaunê biŋ su, tec

Apômtau kêtin aôm su. Kôtu kin kêtômgaç.”

²⁴ Go Saul kêsôm gêdên Samuel gebe “Aê gagôm secgoc gebe kagêli Apômtaunê jatu to aômnêm bin. Aê katêc lau ma kakên tanoc êsêac awen.

²⁵ Mago galoc jaten aôm gebe ôsuc ñoc sec ôkwi ma ôwin aê, agêc tamu tana gebe janam sakin êndên Apômtau.” ²⁶ Mago Samuel gêjô en awa gebe “Oc jawin aôm atom, gebe aôm kêtin Apômtaunê bin su, tec Apômtau kêtin aôm su gebe ôtu Israelnên kin êtiam atom.”

²⁷ Go Samuel kêkac tau ôkwi gebe êc êna ma Saul gê en tîn kêsêp nê ñakwê ñalêsu e gêngic. ²⁸ Tec Samuel kêsôm gêdên en gebe “Ocsalô tonec Apômtau kêkao sakin kinja su anja aômnêm amboac tonañ ma kêkên gêdên ñac wacbañ aôm ña ten, tan ñajam kêlêlêc aôm su nañ. ²⁹ Israelnên Anôtô ñawasi kêsau bin to gêjam tau ôkwi atom. En ñamalac gebe ênam tau ôkwi-ôkwi nec atom.”

³⁰ Go Saul kêsôm gebe “Aê kajala gebe gagôm secgoc. Mago otoc aê sa ñoc launên laumata to lau Israel sêlic ma ôwin aê, agêc tamu tana gebe janam sakin Apômtau, aômnêm Anôtô.” ³¹ Go Samuel kêkac tau ôkwi kêdaguc Saul. Ma Saul gêjam sakin gêdên Apômtau.

³² Su, go Samuel kêsôm gebe “Akôc Amaleknên kin Agag andên aê amên.” Agag kêsêlên gêdên en tonalêlôm ñatutucen ma kêsôm gêc tau gebe “Tamac êndu kêtû gêñ ñamakicgoc.” ³³ Ma Samuel kêsôm gebe “Kêtôm aômnêm sin gesen lauonên ñapalê su, tec aôm tênam nê ñapalê masi amboac tonañen.”

Ma Samuel gêjac Agag popoc-popocgen kêkô Apômtau lanônênja anja Gilgal.

³⁴ Go Samuel gêja Rama ma Saul kêpi gêja nê

andu an̄ga Gibeá. ³⁵ Samuel gêlic Saul kêtiam atom e gêmác êndu, mago Samuelnê ñalêlôm ñawapac kêtú Saulña. Ma Apômtaunê ñalêlôm gêbuc dêmôê gebe kêkên Saul kêtú Israelnên kin wagen̄.

16

Samuel gen̄ oso Dawid kêtú kin̄

¹ Apômtau kêsôm gêdên Samuel gebe “Nêm ñalêlôm ñawapac êtu Saulña e êndên ondocgen̄. Aê katin̄ en̄ su gebe êtu Israelnên kin̄ êtiam atom. Ôkêc niptêkwi êsêp nêm ñoplakôp ma ôsêlên̄. Aê jasakin̄ aôm ôndên ñac Betlehemña Isai ôna gebe kajalin̄ latuinên̄ ten̄ sa gebe êtu kin̄.” ² Mago Samuel kêtú kênac gebe “Aê oc jana amboac ondóc. Saul embe êñô ñawae, oc ênac aê êndu.” Go Apômtau gêjô en̄ awa gebe “Ôkôc bulimakao têna wakuc ten̄ êwin̄ ma ôsôm gebe ‘Aê gamên̄ gabe jakên̄ da êndên̄ Apômtau.’” ³ Go ôkalem Isai ênin̄ da ñamoasin̄ êwin̄. Aê oc jaoc bin̄, tan̄ ôngômña nan̄, lasê êndên̄ aôm. Ma aôm ônin̄ oso ñac, tan̄ aê oc jasam êndên̄ aôm nan̄.” ⁴ Samuel gêgôm kêtôm Apômtau kêsôm gêdên̄ en̄ ma gêja malac Betlehem. Malac tau ñagejobwaga sêpuc en̄ tôn̄-tôn̄ tonên̄ ñalêlôm ñatutucgen̄ ma sêsôm gebe “Kôsêlên̄ bin̄ ñajamña me.” ⁵ En̄ gêjô êsêac awen̄ gebe “Aec, aê gamên̄ kêtú bin̄ ñajamña. Aê gamên̄ gabe jakên̄ da êndên̄ Apômtau. Anam dabun̄ taôm gebe mên̄êwin̄ aê ma takên̄ da tau.” Go en̄ tau gêjam mec Isai to latui ma keten̄ êsêac gebe mên̄sêkên̄ da sêwin̄.

⁶ Êsêac sêô lasê ma Samuel gêlic Eliab, tec geboc Apômtaunê ñac ênin̄ oso en̄ña tau. ⁷ Mago Apômtau kêsôm gêdên̄ Samuel gebe “Ôê taêm en̄ ôlin̄ ñawasi

to waso-waso atom. Aê katiŋ eŋ su, gebe aê galic gêŋ kêtôm ŋamalac sêlic naŋ atom. Ŋamalac sêlic gêŋ, taŋ gêc dêmôêŋa naŋ ma Apômtau gêbi ŋalêlôm lêteŋ.” ⁸ Isai gêmôêc Abinadab ma kêkôc eŋ gêdêŋ Samuel gêja. Mago eŋ kêsôm gebe “Apômtau kêjalin eŋ sa atom amboac tonanŋeŋ.” ⁹ Go Isai kêkêŋ Sama gêja, mago Samuel kêsôm gebe “Apômtau kêjalin eŋ sa atom amboac tonanŋeŋ.” ¹⁰ Isai kêkêŋ latui 7 dêdêŋ Samuel sêja. Ma Samuel kêsôm gêdêŋ Isai gebe “Apômtau kêjalin êsêac tonec ŋai nêŋ teŋ sa atom.” ¹¹ Go Samuel kêtu kênac Isai gebe “Latômi tecenanŋeŋ me.” Ma Isai gêjô eŋ awa gebe “Ŋac saunŋ gacgeŋ gêmôa, eŋ gejob domba gêmôa.” Samuel kêsôm gêdêŋ Isai gebe “Ôkêŋ lau nasêkôc eŋ sêmêŋ. Aêac oc danŋôn sic atom e eŋ êmêŋ acgom.” ¹² Amboac tonanŋ kêkêŋ lau jasêkôc eŋ sêmêŋ. Eŋ lanŋôanô ŋajamanô to mataanô ŋakêŋkêŋ ma ôli e ŋawasi lanŋwagenŋ. Ma Apômtau kêsôm gêdêŋ Samuel gebe “Aĵôc, ôniŋ oso eŋ, ŋac tau tonec.” ¹³ Samuel kêkôc niptêkwi ŋaŋoplakôp ma geŋ oso Dawid anŋa têwai ŋalêlôm. Go Apômtaunê Ŋalau kêsêp Dawid ŋalêlôm jagêjam eŋ auc gêdêŋ bêc tonanŋ ma gê tônŋeŋ gêja. Samuel gêdi ma gêc gêja Rama.

Dawid gêjac gêŋ wêŋa kêtu Saulŋa

¹⁴ Apômtaunê Ŋalau gêwi Saul siŋ ma ŋalau sec teŋ anŋa Apômtaunê kêlêsu eŋ. ¹⁵ Go Saulnê sakiŋwaga sêsôm gêdêŋ eŋ gebe “Aôm kôjala gebe ŋalau sec anŋa Anôtônê kêlêsu aôm gêmôa. ¹⁶ Amboac tonanŋ ma ŋatau, ôjatu nêŋ sakiŋwaga aêac gebe ansom ŋac gêjac gêŋ wêŋawaga teŋ. Ma embe ŋalau sec anŋa Anôtônê mênêlêsu aôm eŋ oc ênac gêŋ wêŋa

ma nêma nêlêlôm êtu malô êtiam.” ¹⁷ Saul kêsôm gêdên nê sakinwaga gebe “Najam, ansom nac-gêjac-gên-wênawaga ten ma akôc en andên aê amên.” ¹⁸ Sakinwaganên ten kêsôm gebe “Aê galic Isai anga Betlehem nê latu ten gêjac gên wêna najamanô. En nactêkwa to naclai ma kêsôm bin tokauc to lanôanô najam ma Apômtau gêmôa gêwin en.” ¹⁹ Amboac tonan Saul kêsakin lau dêdên Isai sêja ma kêsôm gebe “Ôsakin latôm Dawid, tan gejob domba gêmôa nan, êndên aê êmên.” ²⁰ Tec Isai kêkôc donki ten jakêkên polom gêsac naô to wain kêsêp naôlic ten ma nonin nalatu kapoac ten ma kêsakin latu Dawid gebe êkên gên tau êndên Saul. ²¹ Amboac tonan Dawid gêdên Saul gêja ma gêjam sakin en. Ma Saul têtac gêwin Dawid nanôgen ma kêkên en kêtû nac, tan gêoc ênê laukasap nan. ²² Ma Saul kêsakin bin gêdên Isai ma kêsôm gebe “Ôkên latôm Dawid ênam sakin aê êmôa gebe aê galic en najam.” ²³ Ma kêtôm têm samob, tan Anôtônê nalau sec kêlêsu Saul nan, Dawid kêkôc nê gen wêna ma gêjac e kêmoasin Saul ma ôli najam kêsa ma nalau sec gêwi en sin.

17

Goliat kêkili lau Israel

¹ Lau Pilisti sêkac nê lau sinja sa sêpi tagen anga malac Judan ten naê Soho. Êsêac sê becobo kêsêp Soho ma Aseka nasawa anga Epes-Damim. ² Saul to lau Israel sêkac sa sêpi tagen amboac tonangen ma sê becobo anga gamên Ela. Go êsêac têdênan tan sebe sênac sin enden lau Pilisti. ³ Lau Pilisti sêkô lôc namaken ma Israel sêkô lôc namaken ma gaboan gêc nalun. ⁴ Go lau Pilistinên nac sinjêlêc kêsa anga

êsêacnêṅ tonṅ gêmêṅ, ênê ṅaê Goliat anṅa malac Gat. Enṅ ṅac waso-waso baliṅ sec kêtôm saka samuc tenṅ ma ṅasêku. ⁵ Enṅ kêkuc kululunṅ ki ma kêsô ṅakwê ki. Ṽakwê ki tau ṅawapac kêtôm 75 kilo. ⁶ Enṅ kêkwa atêkwa auc ṅa ki ma gêôc kêm ki. ⁷ Kêm ṅadambê kêtôm sap ma kêm ṅamata ki ṅawapac kêtôm 10 kilo. Ma ênê ṅac tenṅ gêṅa ênê lautuc kêsêlêṅ gêmunṅ enṅ. ⁸ Enṅ kêsâ mênṅkêkô ma gêmôêc gêdêṅ lau Israel gebe “Kêtu asagenṅa amac amêṅ abe anac sinṅ. Aê Pilisti tenṅ ma Saulnê sakiṅwaga amac atom me. Ajalinṅ nêṅ ṅac tenṅ sa êsêp êndêṅ aê êmêṅ. ⁹ Enṅ embe êtôm gebe ênac aê êndu, nanṅo atu amacnêṅ sakiṅwaga. Mago aê embe jaku enṅ tulu ma janac enṅ êndu, nanṅo amac atu aêacma sakiṅwaga ma anam sakiṅ aêac.” ¹⁰ Ma Pilisti tau kêsôm gebe “Ocsalô tonec aê kasu lau Israel susu gebe akêṅ ṅac tenṅ mênṅaêagêc anac taunṅ.” ¹¹ Saul to Israel samob sêṅô Pilisti nê biṅ tonanṅ e nêṅ ṅalêlôm ṅagogo ma têtêc taunṅ ṅanô.

Dawid gêô lasê sinṅmala

¹² Dawid enṅ ṅac Epra anṅa Betlehem Judaṅa latu. Ṽac tau nê ṅaê Isai. Isai latui 8. Ma gêdêṅ Saulnê têm ṅac tau kêtû ṅamalacanô su. ¹³ Nê latui ṅamataṅa têlêac têdaguc Saul kêtû sinṅa. Lau têlêac tau nêṅ ṅaê tonec ṅacsêga Eliab ma ṅac kêtû luagêcṅa nê ṅaê Abinadab ma ṅac kêtû têlêacṅa Sama. ¹⁴ Dawid enṅ ṅac ṅamuṅa. Tagenṅ lau ṅamataṅa têlêac tonanṅ têdaguc Saul sêṅa. ¹⁵ Ma Dawid gêwi Saul sinṅ kêsêp ṅasawa ṅagêdô ma gêmu gêṅa Betlehem gebe ejop tamanê domba. ¹⁶ Kêtôm bêc 40 ṅabêbêc to ṅakêtula samob Pilisti Goliat tonanṅ kêsâ jakêkô nê mala.

¹⁷ Gêdêṅ bêc tenṅ Isai kêsôm gêdêṅ latu Dawid gebe “Ôkôc gadob topolom sigob ma polom

10 tonec ôndênj têtami ôna gamênj becobaŋa, ¹⁸ ma ôkênj su-gêjac-anô 10 tonec êndênj êsêacnênj gôlinwaga. Ma ôlic têtami oc sêmoa amboac ondoci, go ôkôc gênj tenj, tanj êwa sa gebe sêmoa njanan, ômu ômôênj.”

¹⁹ Saul to êsêac ma lau Israel samob sêjac sinj gêdênj lau Pilisti sêmoa gaboanj Ela. ²⁰ Dawid gêdi gêdênj bêbêc kanucgenj ma gêwi domba sinj gêdênj nac tenj gejob ma kejonj gênj gêja kêtôm tama Isai kêjatu enj. Enj jagêo lasê sinj namala tau ma lau sinj têtênanjan taunjan gebe sêsa êtu sinjanja ma sêjam lasê. ²¹ Israel to Pilisti têtênanjan taunjan towalanjan-towalanjan. ²² Dawid kêlêwanjan nê waba su kêsêp nac gejob wabanja lêma ma kêlêti gêdênj lau towalanjan ma kêtu kênac têtai gebe sêmoa amboac ondoci. ²³ Êsêac sêjam binjalôm gêdênj taunjan sêmoa ma nac waso-waso Goliat tau kêsa jagêmôêc binj, tanj gêmunjanja gêmôêc gêdênj êsêac nanjan, kêtiam ma Dawid gênjo binj tau.

²⁴ Gêdênj tanjan lau Israel sêlic nac tau nanjan, êsêac têtêc taunjan ma sêc. ²⁵ Êsêac sêsom gebe “Amac alic nac, tanjan kêsa gêmênj nanjan, me masi. Enj kêsa gêmênj kêtui êsu Israel susunja. Nac tanjan ênac enj êndu nanjan, kinjan oc êkênj waba taêsam êndênj enj êtu nac tolêlôm to êkênj latuo êndênj enj ênam ma ênac tamanê gôlôac êngic gebe sêkênj takis êtiam atom.” ²⁶ Go Dawid kêtui kênac lau, tanjan sêkô têtabinjan enj nanjan, gebe “nac samuc Pilisti têt mênjkêsu Anôtô mata jali nê sinjwaga susu nê asa. Tenjan embe ênac enj êndu ma enjan binj susunja su anjan Israel oc sêmoasinjan enjan asagenj.” ²⁷ Tec lau tau sêjo enjan awa ma sêsom binjan nakaninjanja gebe nac, tanjan ênac enjan êndu nanjan, oc

sêmoasiŋ eŋ ɲa gêŋ amboac tonan.

²⁸ Têwa ɲacsêga Eliab gêŋô Dawid gêjam biŋgalôm gêwiŋ lau ma têtac ɲandan kêsa ma kêsôm eŋ gebe “Aôm kôsêp gômôêŋ tonec kêtû agenɲa. Ma gôwi domba ɲapopoc aŋga oba ônê siŋ gêdêŋ asa gebe ejop. Aê kajala gebe aôm kotoc taôm sa ma nêŋ ɲalêlôm sec tau tonec gebe gômôêŋ gobe ôlic siŋ tonec.” ²⁹ Dawid gêjô biŋ tonan gebe “Aê gagôm asageŋ keso. Aê gajam kênac ɲaômageŋ.” ³⁰ Go eŋ kêkac tau ôkwi aŋga ênê gêdêŋ ɲac teŋ ma kêtû kênac biŋ tageŋ tonan kêtiam. Ma lau sêjô awa kêtôm ɲamataŋa.

³¹ Biŋ taŋ Dawid kêsôm nan, lau sêŋô ma têtôn gêdêŋ Saul. Ma eŋ kêsakiŋ biŋ gêdêŋ Dawid gebe “Ôndêŋ aê ômôêŋ.” ³² Ma Dawid kêsôm gêdêŋ Saul gebe “Noc ɲatau, lau sênam golec sa êtu ɲac ônêŋa amboac secgeŋmaŋ. Nêŋ sakiŋwaga aê gabe naaêagêc Pilisti tônê anac tauŋ.” ³³ Tageŋ Saul kêsôm gêdêŋ Dawid gebe “Masi, aôm naônac siŋ êndêŋ Pilisti tonan atom. Aôm kôtôm Pilisti tau atom, gebe aôm ɲac wakuc ma eŋ ɲac siŋsêlêc lanɲwa.” ³⁴ Mago Dawid kêsôm gêdêŋ Saul gebe “Nêŋ sakiŋwaga aê gajob tamocnê domba. Gêdêŋ taŋ lewe me bôclai ber gêmêŋ ma gêjam gengeŋ domba teŋ nan, ³⁵ aê kajanda kadaguc eŋ e ka-jaŋgo domba su aŋga eŋ awasuŋ. Ma embe êsa tau sa êndêŋ aê, go aê jakôc ênê êm tôn ma jamakiŋ eŋ êndu. ³⁶ Nêŋ sakiŋwaga aê gajac lewe to ber ɲagêdô êndu su ma ɲacsamuc Pilisti tônê oc êtap gêŋ tageŋ tônê sa amboac tonan gebe kêsu Anôtônê lau siŋ susu.” ³⁷ Ma Dawid kêsôm biŋ teŋ gêwiŋ gebe “Apômtau taŋ gêjam aê kêsi aŋga lewe to bôclai

ber nêñ ñaclai nan, oc ênam aê kêsi anğa Pilisti tau nê ñaclai êwiñ.” Go Saul kêsôm gêdên Dawid gebe “Amboac tonañ ôna, ma Apômtau êmoa êwiñ aôm.”
³⁸ Go Saul kêkên tau nê ñakwê sinğa gêdên Dawid. Kêkên kululun ki Dawid kêkuc ma kêkên en kêsô ñakwê ki ñagala. ³⁹ Ma Dawid kêjandiñ Saulnê sin gêsac ñakwê ñaô ma kêsêlên gebe ênsaê e gêgôm elêmê, gebe en kêtôm gên tau atom. Tec Dawid kêsôm gêdên Saul gebe “Aê katôm gebe jasêlên tolaukasap samucgen tonec atom, gebe katôm gên tau atom.” Amboac tonañ Dawid kêsêlô gên samob tonañ su kêtiam. ⁴⁰ Go kêmêgôm nê tôc kêsêp lêma ma kêjaliñ daban matu ñawasi lementen anğa bumañ sa ma kêkên kêsêp atali. Lêma kêmêgôm nê daban tôn ma gêdên Pilisti tau gêja.

Dawid gêjac Goliat endu

⁴¹ Nac Pilisti kêtú olon-olon gêdên Dawid gêmên ma ênê ñac gêja lautuc gêmun en. ⁴² Nac tau gêlic Dawid ma kêpuc mata tôn en e kêsú en susu gebe en ñac matak tolañôanô ñajamanô. ⁴³ Ma Pilisti tau kêsôm gêdên Dawid gebe “Aê kêam me, tec kôkôc tôcgen gôdên aê gômôên.” Ma kêpuc boa Dawid kêsam nê anôtôinên ñaê. ⁴⁴ Ma Pilisti tau kêsôm gêdên Dawid gebe “Ômôênman, aê, oc jakên aôm ôtu moc to bôclai nêñ gwada.” ⁴⁵ Dawid gêjô en awa gebe “Aôm gôc sin to kêm ma gôja lautuc gôdên aê gômôên ma aê nec gadên aôm gajam lausín undambêña nêñ Apômtau to lau Israel nêñ sinwaga nêñ Anôtô, tañ kôsu en susu nan lanô. ⁴⁶ Ocsalô tonec Apômtau oc êkên aôm ôsêp aê lemoc ma aê oc janac aôm êndu ma jandim aôm gêsômtêkwa êngic. Ma jakên lau Pilisti nêñ ñawêlêlan êtu moc umbon

nalabuŋa to bôclai nomŋa nêŋ gwada. Go lau nomŋa samob sêjala gebe Israelnêŋ Anôtô gêmoa. ⁴⁷ Ma lau samob, tec sêkac sa anŋa tonec nec sêlic gebe Apômtau kêpô lêna tubac to kê m ênam lau saŋa atom, gebe siŋ tonec kêtu Apômtaunê siŋ ma eŋ oc êkêŋ amac asêp aêac lemeŋ.”

⁴⁸ Gêdêŋ taŋ Pilisti tau kêtu gasuc Dawid naŋ, Dawid kêlêti ŋagaôgeŋ gêdêŋ eŋ gêja. ⁴⁹ Eŋ kêkêŋ lêma kêsêp nê atali ma gic dabanmatu teŋ sa ma kêdaiŋ e jagêjac Pilisti têbêla palap tagen. Poc tau kêtuc eŋ môkêapac popoc ma gêu tau laŋôanô jagêdêŋ nom.

⁵⁰ Amboac tonan Dawid kêku Pilisti tulu ŋa daban topoc. Eŋ gêjac Goliat e gêu tau ma gêmac êndu ma siŋ teŋ kêsêp Dawid lêma atom. ⁵¹ Go Dawid kêlêti gêdêŋ eŋ jakêsô palap eŋ ma gêbuc ênê siŋ sa gêjac eŋ êndu go gêdim eŋ gêsutêkwa gêŋgic. Lau Pilisti sêlic gebe nêŋ siŋsêlêc gêmac êndu su, tec sêc. ⁵² Ma lau Israel to Juda dêdi sêjam lasê ma sêjanda lau Pilisti e gêdêŋ Gat to Ekron nêŋ tunbôm ŋakatam. Ma lau Pilisti, taŋ siŋ gêjac êsêac ôliŋ lasê naŋ, sêc intêna-intêna anŋa Saraim e gêdêŋ Gat to Ekron. ⁵³ Go lau Israel sêkac taŋ ôkwi sêmu sêmêŋ ma sêjanŋo lau Pilisti nêŋ waba, taŋ gêc nêŋ gamêŋ becoboŋa naŋ, samob su. ⁵⁴ Ma Dawid kêkôc Goliat nê môkêapac ma kêkôc gêja Jerusalem ma kêkêŋ ênê laukasap gêc taunê becobo.

⁵⁵ Gêdêŋ taŋ Saul gêlic Dawid kêsa gêja gebe ênac Pilisti tau naŋ, eŋ kêtu kênac nê ŋac siŋsêlêc Abner gebe “Abner, ŋac matak tônê asanê latu eŋ.” Ma Abner gêjô eŋ awa gebe “O kiŋ, aê gajam kauc eŋ biŋŋanôgeŋ.” ⁵⁶ Ma kiŋ kêsôm gebe “Ôkip ŋac

matac tau nê nam sa. Asanê latu en.” ⁵⁷ Amboac tonan gêdên tan Dawid gêjac Pilisti êndu ma gêmu gêmên nan, Abner kêkôc en gêdên Saul gêja. Dawid gegen Pilisti nê môkêapac tôngên. ⁵⁸ Ma Saul kêtû kênac en gebe “Nacnec, asa latu aôm.” Ma Dawid gêjô en awa gebe “Nêm sakinwaga Isai anga Betlehem nê latu aê.”

18

Jonatan kêmoatin poac gêwin Dawid

¹ Dawid gêjam bingalôm gêdên Saul su acgom, go Jonatan agêc Dawid sê sêlêb gêdên taun ma Jonatan têtac gêwin en kêtôm têtac gêwin tau. ² Ma Saul kêkôc Dawid tôn gêmoa gêwin en geden tôngên ma gêwi en sin gêmu gêja tamanê andu kêtiam atom. ³ Go Jonatan kêmoatin poac gêdên Dawid gebe en têtac gêwin Dawid amboac têtac gêwin tau. ⁴ Jonatan kêkwalec nakwê, tan en tau kêsô nan, su kêkên gêdên Dawid ma kêkên nê laukasap to nê sin ma talam to ômbin kap gêwin. ⁵ Kêtôm têm samob, tan Saul kêsakin kêtû kôm tokain-tokainna nan, Dawid gêjam kôm tau tonanôgen. Kêtû tonan na Saul kêkên en kêtû nê lau sinna nê sin sêlêc. Bin tonan gêjac lau samob matenanô najam ma Saul nê sakinwaga sêlic najam amboac tonan gen.

Saul gêjam lêmun Dawid

⁶ Gêdên tan Dawid gêjac Pilisti tau êndu ma lau sin sêmu sêja nê gamên nan, lauo anga malac Israel na samob sêsa sêja sebe sêpuc Saul tôn-tôn. Êsêac sêjam wê têtac najam na toon ma gegob ma têtê wê. ⁷ Lauo têtû samuc ma sêjam wê sêjô-sêjô taun gebe

“Saul gêjac nê ñacjo 1,000
ma Dawid gêjac nê 10,000.”

⁸ Saul gêñô bin tonan ñajam atom ma têtac ñandan secanô. En kêsôm gebe “Êsêac sêkên 10,000 gêdên Dawid ma 1,000 geñ gêdên aê. Tec galoc kêtap gêñ samob sa su, gêñ tagen nan masi en nan, tonec gebe êtu kin.” ⁹ Gêdên bêc tonan Saul gêlic Dawid sec ma gê tângên gêja. ¹⁰ Nagelen Anôtônê ñalau sec ten kêlês Saul ma kêlêti gêmoa nê andu ñalêlôm amboac meloc kêtê en. Dawid gêjac gêñ wêña gêmoa kêtôm en gêgôm-gêgôm ma Saul kêmêgôm nê kêm. ¹¹ Saul kêkôtên nê kêm ma kêsôm gebe “Aê jandin Dawid tõe tamin sagin.” Mago Dawid kêtêc kêm su kêtû dim luagêc.

¹² Ma Saul kêtêc Dawid gebe Apômtau gêwin en ma gêwi Saul sin su. ¹³ Saul gêwi Dawid sin gebe êmoa lanônêmña êtiam atom ma kêkên en kêtû ton lausin 1,000ña nêñ kasêga. Amboac tonan en gêwê nê lau kêsô kêsâ. ¹⁴ Gêñ samob, tan Dawid gêgôm nan, ñanô kêsâ gebe Apômtau gêmoa gêwin en. ¹⁵ Saul gêlic Dawidnê kôm samob ñanô kêsâ, tec kêtêc en kêlêlêc. ¹⁶ Mago Israel to Juda samucgen têtac gêwin Dawid gebe en gêwê êsêac kêsô kêsâ.

Dawid gêjam Saul latuo kêtû nê awê

¹⁷ Go Saul kêsôm gêdên Dawid gebe “Aê latuco awêsêga Merab tec gêmoa. Aê oc jakên en êndên aôm ônam êtu nêñ awê. Ma aôm ônam sakin aê totêmtac êpa sugen to ônac Apômtaunê sin.” Gebe Saul taê gêjam gêc taugen gebe “Aê lemoc êpi en atom. Lau Pilisti lemen êpi enman.” ¹⁸ Dawid kêsôm gêdên Saul gebe “Aê asa, ma aênoc lasitêwai to tamocnê gôlôac lau towae amboac ondoci anga

Israel, tec aê jatu kiñ lawa nec.” ¹⁹ Mago gêdên têt, tañ sebe sêkên Saul latuo Merab êndên Dawid nañ, Saul kêkên en gêdên Adriel anga Meholan̄a gêjam en kêtû nê awê.

²⁰ Mago Saul latuo Mikal têtac gêwiñ Dawid. Êsêac têtôn biñ tonan̄ gêdên Saul ma en gêlic ñajam.

²¹ Saul taê gêjam gêc taun̄a gebe “Aê jakên latuco êndên Dawid gebe êtu ênê lakô ten̄ ma lau Pilisti sensen̄ en su.” Ma Saul kêsôm gêdên Dawid kêtû dim luagên̄a gebe “Aôm oc ôtu aê laoc.” ²² Ma Saul kêjatu nê sakin̄waga gebe.” Anam biñgalôm awiñ Dawid kelecgen̄ ma asôm gebe ‘Gôlicgac me, kiñ gêlic aôm ñajam ma ênê sakin̄waga samob têtac gêwiñ aôm amboac tonan̄ galoc ôtu kiñ lawa.’”

²³ Ma Saulnê sakin̄waga têtôn biñ tau gêdên Dawid. Mago Dawid kêsôm gebe “Amac alic amboac ondoc, jatu kiñ lawa nec gên̄ saun̄ ten̄ me. Aê ñac ñalêlôm sawa to ñac ñaôma.” ²⁴ Saulnê sakin̄waga jasêjac min̄ biñ, tañ Dawid kêsôm nañ, gêdên Saul.

²⁵ Tec Saul kêsôm gebe “Asôm biñ tonec êndên Dawid gebe ‘Kiñ taê kêka awê ñaôli atom. En keten̄ lau Pilisti 100 nêñ utiñôlic gebe aôm ôkac kiñnê kamocgôc êndên ênê ñacjonên.’” Gebe Saul taê gêjam gêc taun̄a gebe lau Pilisti sensen̄ Dawid su.

²⁶ Saulnê sakin̄waga têtôn biñ tonan̄ gêdên Dawid ma Dawid gêlic ñajam gebe êtu kiñ lawa. Noc ênam awên̄a gêcgen̄ ²⁷ ma Dawid gêdi gêwiñ nê lau gêja ma gêjac lau Pilisti 200 êndu. Go Dawid kêkôc utiñôlic mên̄ketoc tomalagen̄ gêc kiñ lan̄ônêm̄na. Amboac tonan̄ en kêtû kiñ lawa ma Saul kêkên latuo Mikal gêdên en gêjam kêtû nê awê.

²⁸ Saul gêlic ma kêjala gebe Apôm̄tau gêmoa gêwiñ

Dawid ma lau Israel samob têtac gêwiñ ej. ²⁹ Tec kêtêc Dawid kêlêlêc ma kêtû ênê soño-soño geden tòngeñ. ³⁰ Kêtôm têm samob nan lau Pilisti nêñ gôliñwaga sêsa sêmên kêtû sênac sinña nan, Dawid gêjac sin tonanô kêlêlêc Saulnê sakinwaga samob su. Amboac tonan Dawidnê wae kêsa e gêjam sêga.

19

Saul gebe ênac Dawid endu

¹ Saul gêjam biñgalôm gêwiñ latu Jonatan to nê sakinwaga samob gebe senseñ Dawid su. Mago Saul latu Jonatan têtac gêwiñ Dawid kêlêlêc. ² Tec gêjac min bin tau gêdên Dawid ma kêsôm gebe “Tamoc Saul gêgôm gêñlêlôm gebe enseñ aôm su. Ojop taôm êndên elen bêbêcgeñ ma ôsin taôm ôkwi ñapep anga gamên ñakêsin teñ ma ômoa tonan. ³ Aê oc jasa jawiñ tamoc jawac gamên, tañ aôm ômoa nan, ñagala ma janam biñgalôm êndên tamoc êtu aômña. Ma embe janô bin teñ oc jakên ñawae êndên aôm.” ⁴ Ma Jonatan kêlanem Dawid gêdên tama Saul ma kêsôm gêdên ej gebe “O kin, ôngôm sec êndên nêñ sakinwaga Dawid atom gebe ej gêgôm sec teñ gêdên aôm atom ma gêjam sakin aôm ñajamanô. ⁵ Ej gêjac môkê tau ma gêjac Pilisti Goliat êndu ma Apômtau kêku Israelnên ñacjo tulu. Aôm gôlic ma kôtu samuc ma amboac ondod gobe ôngôm sec êndên ñac lanônêm sawa ma ônac Dawid êndu ñaômagen.” ⁶ Saul kêkên taña Jonatan awa ma kêtôc lêma ma kêsôm gebe “Apômtau gêmoa mata jali binñanôgeñ, tec Dawid êmac êndu atom.” ⁷ Amboac tonan Jonatan gêmôêc Dawid ma gêjac min bin samob tonan gêdên ej. Go gêwê Dawid

gêdên Saul ma Dawid gêjam nê sakin kin kêtôm gêmunja kêtiam.

⁸ Sin ten kêsa kêtiam ma Dawid gêdi gêwin jagêjac sin gêdên lau Pilisti. Ma en gêjac êsêac nanôgen, tec sêwi sin sin ma sêc en su sêja.

⁹ Go Apômtaunê nalau sec ten gêjam Saul auc gêdên tan en gêngôn nê andu ma kêmegôm kêmen ten. Dawid gêjac gên wêja gêmoa. ¹⁰ Ma Saul kêsaê gebe êndin Dawid tamin sagin ja kêmen, mago Dawid kêtêc su e kêmen jakêpi sagin. Dawid gêc gêja ma gêjam samuc.

¹¹ Gêdên gêbêc tonangen Saul kêsakin lau sêja Dawidnê andu gebe dêndib en ma taê gêjam gebe ênac en êndu êndên bêbêcgen. Mago Dawidnê awê Mikal kêkên puc en gebe “Embe ôêc êndên êmbêc tonêc atom oc sênac aôm êndu êndên bêbêc.” ¹² Ma Mikal kêlêwan Dawid kêsêp katam saun ma en gêc gêja, tec gêjam samuc. ¹³ Go Mikal kêkêc gwam ten ma ketoc gêc mê go kêkên nonin jaôlilu gêsac gwam môkêapac jaô ma kêgadê auc ja obo. ¹⁴ Ma gêdên tan Saul kêsakin lau gebe nasêkêc Dawid nan, Mikal kêsôm gebe “Gêmac gêgôm en.” ¹⁵ Go Saul kêsakin lau gebe sêlic Dawid ma kêjatu êsêac gebe “Ambalan en to mêgen andên aê amên gebe janac en êndu.” ¹⁶ Lau tonan sêsô andu sêja e sêlic gwam tau gêc mê ma nonin jaôlilu gêsac môkêapac jaô. ¹⁷ Saul kêsôm gêdên Mikal gebe “Kêtu asagenja kôsau aê ma gôwi noc sonjo-sonjo sin jagêmoa toôli samuc.” Mago Mikal kêsôm gêdên Saul gebe “En kêsôm gêdên aê gebe ‘Ôkên aê jaêc jana. Embe masi, oc janac aôm êndu.’ ”

¹⁸ Dawid gęc gêmôa toôli samuc jagêô lasê gêdên Samuel anja Rama, go gêjac min binj samob, tanj Saul gêgôm gêdên en nanj. Go êsêagęc Samuel sêja Naiot ma sêmôa tonanj. ¹⁹ Njawae kêtap Saul sa gebe “Dawid gêmôa Naiot Ramaña.” ²⁰ Tec enj kêsakinj lau gebe nasêkôc Dawid sêmênj. Ma gêdên tanj êsêac sêlic tonj propetenja, tanj katunj kainj tenj kêsa ma Samuel jagêjam gôlinj êsêac nanj, Anôtônê Njalau gêjam Saulnê lau auc ma katunj kainj tenj kêsa gêwinj amboac tonanjenj. ²¹ Binj tonanj njawae gêdênj Saul gêja, tec kêsakinj lau tonj tenj, mago êsêac katunj kainj tenj kêsa amboac tonanjenj. Ma Saul kêsakinj lau kêtiam kêtû dim têlêac ma êsêac katunj kainj tenj kêsa gêwinj amboac tonanjenj. ²² Go enj tau gêja Rama jagêô lasê bumata kapôênj, tanj gęc Seku nanj, ma kêtû kênac gebe “Samuel agęc Dawid sêmôa ondoci.” Njac tenj kêsôm gêdênj enj gebe “Êsêagęc sêmôa Naiot Ramaña.” ²³ Gêdênj tanj Saul kêsêlênj gebe êna Naiot Ramaña nanj, Anôtônê Njalau gêjam enj auc amboac tonanjenj ma enj kêsêlênj ma geoci binj lasê e jagêô lasê Naiot Ramaña. ²⁴ Go enj kêkwalec nê njakwê su ma gêmôa Samuel lanônêmnja ma geoci binj lasê amboac tonanj ma gęc ôli njôma oc samuc ma gêbêc samuc tonanj. Tec binj toneci kêtû binjalôm gebe “Saul gêmôa gêwinj propete amboac tonanj me.”

20

Jonatan gêjam Dawid sa

¹ Dawid gęc anja Naiot Ramaña gêmu gêmênj ma kêsôm gêdênj Jonatan gebe “Aê gagôm asagenj. Aênjoc keso ondoci. Aê gagôm sec ondoci gêdênj

tamam, tec gebe enen aê su nec.” ² Jonatan gêjô en awa gebe “Masianô. Aôm oc ômac êndu atom. Ôlic acgom, tamoc kêsin ghen kapôên me saun, tan gebe êngôm na nan, naten ôkwi gêdên aê atom. Tamoc ênam bin amboac tonan auc êndên aê êtu asagenja. Bin amboac tonan ten gêc atom.”

³ Mago Dawid gêjô en awa gebe “Aôm tamam kêjala kêtû tôn su gebe aôm gôlic aê najam, tec taê gêjam gêc taunagen gebe ‘Jonatan êjô bin tonan atom, oc êngôm ênê nalêlôm nawapac êsa.’ Aê jasôm binjanô êtu Apômtau gêmoa mata jali to aôm gômoea matam jalinja gebe aê kasa pan sêawa.” ⁴ Go Jonatan kêsôm gêdên Dawid gebe “Bin samob, tan ôsôm nan, aê janngôm nanô êsa êtu aômja.” ⁵ Dawid gêjô en awa gebe “Elenja ajôn mêngêô lasê ma aênoc noc janin ghen jawin kin tauna. Mago jaten aôm gebe ôwi aê sin najasin jamoa kôm e bêc êtu têlêac naêtula.

⁶ Tamam embe êlic aê malocmê go ôsôm gebe ‘Dawid keten aê nanôgen gebe êlic nê malacmôkê Betlehem gebe nê lau sêkên da jalaña êtu nên gôlôacja.’ ⁷ Ma tamam embe êsôm gebe ‘Najam’, go nê sakinjwaga aê jamoa najam. Mago embe en têtac nandan, go ôjala gebe ênê bin sec tônê oc êtu tôn. ⁸ Ômoasin nê sakinjwaga aê amboac tonan gebe aôm kômoeatin poac gêdên nê sakinjwaga kôkô Apômtau lanônêmja. Mago keso ten embe ênêc aênja, go aôm taôm ônac aê êndu. Gobe ôkên aê jandên tamam êtu asagenja.” ⁹ Jonatan kêsôm gebe “Bin amboac tonan êtap aôm sa atom. Aê embe jajala gebe tamoc êsôm bin êtu tôn gebe enen aôm su, oc aê jakên nawae êndên aôm atom me.” ¹⁰ Go Dawid kêsôm gêdên Jonatan gebe”

Tamam embe ênsaic binj aôm, asa oc êkênj ñawae êndênj aê.” ¹¹ Tec Jonatan kêsôm gêdênj Dawid gebe “Tana kôm acgom.” Tec êsêagêc sêwiñ tauñ sêja kôm.

¹² Ma Jonatan kêsôm gêdênj Dawid gebe “Aê jasôm binj tonec jakô Apômtau, Israelnênj Anôtô lanjônêmña gebe elenja me ñaelen tenj ñaockatu amboac tonec embe jajala tamocné ñalêlôm gebe êlic Dawid ñajam, go jasakinj binj êndênj aôm êwac.

¹³ Mago enj embe taê ênam êtu tônj gebe ensenj aôm su, ma aê embe jakênj puc aôm ma jasakinj aôm ôêc toôlim samucgenj atom, go Anôtô ensenj aê su amboac tonanjenj. Apômtau êwiñ aôm êtôm gêwiñ tamoc. ¹⁴ Embe jamoa matoc jali êndênj tonan, go taêm walô aê êtu Apômtauña gebe jamac êndu atom. ¹⁵ Ma ôkôc nêmoasinj su anja ñoc gôlôacnênj atomanô. Apômtau embe ensenj Dawidnê ñacjo samob tomalagenj su anja nom, ¹⁶ go Jonatannê ñaê êkac tau su anja Dawidnê gôlôacnênj atom. Ma Apômtau êkênj ñagêjô êndênj Dawidnê ñacjo.” ¹⁷ Go Jonatan ketenj Dawid gebe êtôc lêma êtiam êtu nê têtac gêwiñ enj ñanôña gebe enj têtac gêwiñ Dawid amboac têtac gêwiñ tau.

¹⁸ Go Jonatan kêsôm gêdênj enj gebe “Elenj ajônj oc mênjêô lasê. Oc sensom aôm gebe malac sawa.

¹⁹ Ma elenj ñaelenj oc sensom aôm ñanôgenj. Êndênj tonan aôm ôna gamênj, tanj kôsinj taôm gêdênj bêc tenj su nan, ma ôsinj taôm ômoa poc totonj ñamuña. ²⁰ Ma aê oc japê sôb têlêac êsêp poc totonj ñamakenj janjôm amboac japô sokoc. ²¹ Ôkênj tanjam ñapep. Aê oc jasakinj ñapalê tau ma jasôm gebe ‘Naosom sôb.’ Aê embe jasôm êndênj ñapalê gebe ‘Ôlic sôb kêsêp

aômnêm ñamakenj tonecña, ôkôc saman, go ômôên.’ Aê jasôm binñanô êtu Apômtau, tañ gêmoa mata jali nanña gebe oc ômoa ñajam ma gêñwapac tenj êtap aôm sa atom. ²² Mago embe jasôm êndênj ñapalê tau gebe ‘Ôlic sôb gêc ñamakenj ônê’ nanj ôêc ôna gebe Apômtau kêsakinj aôm gebe ôna. ²³ Ma Apômtau oc êmbinj aêagêc tôñ endenj tôngenj êtu binj, tañ aêagêc tamasanj gêdênj taun nanj.”

²⁴ Amboac tonan Dawid kêsijn tau ôkwi gêmoa kom. Ma gêdênj tañ ajônj mêngeô lasê nanj, kinj gêngônj sic gebe êninj gênj. ²⁵ Kinj gêngônj nê mala, gêngônj kêdabinj sagijn kêtôm gêgôm-gêgôm. Jonatan gêngônj kêkanônj enj ma Abner gêngônj kêsi Saulña. Tagenj Dawid mala sawa.

²⁶ Mago gêdênj bêc tonan Saul kêsôm binj tenj atom. Enj taê gêjam gebe “Binj tenj kêtap Dawid sa, tec enj kêtû selec atom.” ²⁷ Mago ajônj mêngeô lasê ñabêc kêtû luagêcña nanj Dawid mala sawa kêtiam. Tec Saul kêsôm gêdênj latu Jonatan gebe “Kêtû asagenña Isai latu mêngeñj gênj gêdênj nôgenj to galoc atom.” ²⁸ Go Jonatan gêjô Saul awa gebe “Dawid ketenj aê ñanôgenj gebe jawi enj sinj êna Betlehem ²⁹ ma kêsôm gebe ‘Aê jatenj gebe jana gebe aêacma gôlôac sêkênj da anga malac. Ma teoc kêjatu aê gebe jawin. Amboac tonan embe ôlic aê ñajam, go ôkênj aê jana gebe jalic teoci.’ Kêtû binj tonanña tec enj gêmênj gêngônj kinj nê tebo atom.”

³⁰ Go Saul têtac ñandanj sec gêdênj Jonatan ma kêsôm gêdênj enj gebe “Awê sec to mockainjo ñalatu aôm. Aê kajala gebe amagêc Isai latu abinj taôm tôñ, tec gêgôm aôm taôm majam kêsâ to kômajec tênâ amboac tonanjenj. ³¹ Êtôm têm samob, tañ Isai

latu êmoa mata jali anğa nom nan, aôm ômoa atom ma nê m gôlin kinğa oc ênêc nanên atom amboac tonanğen. Tec ôsakin lau gebe sêkôc en dêndên aê sêmên. En êmac êndu.” ³² Go Jonatan gêjô tama Saul awa ma kêsôm gêdên en gebe “En êmac êndu êtu asagenğa. En gêgôm asagen keso.” ³³ Tec Saul kêkôtên kê m gebe êngu en. Tec Jonatan kêjala gebe tamanê bin kêt u tôn gebe ênac Dawid êndu. ³⁴ Ma Jonatan têtac nandan sec ma gêdi sa anğa tebo ma gen gên ten gêdên ajôn mênğêo lasê nabêc kêt u luagêcğa atom, gebe ênê nalêlôm nawapac kêt u Dawidğa gebe tama gêbu en.

³⁵ Gêdên bêbêcgen Jonatan kêsa kôm gêja kêtôm kêmasan bin gêdên Dawid su ma kêkôc napalê saun ten gêwin en. ³⁶ En kêsôm gêdên napalê tau gebe “Ôlêti ma onsom sôb, tan galoc japê nan.” Napalê kêlêti ma en kêpê sôb ten kêka lêlêc napalê tau gêja. ³⁷ Napalê jagêo lasê gamên, tan Jonatan nê sôb kêsêp nan, go Jonatan gêmôêc bin kêdaguc napalê tau gebe “Sôb tonan kêka lêlêc aôm gêja ônê.” ³⁸ Jonatan kêkac napalê tau gebe “Ôlêti nagaôgen, ônam gamên tôn atom.” Amboac tonan napalê kejon sôb sa ma gêmu gêdên nê natau gêmên. ³⁹ Mago napalê kêjala bin samob tonan nam atom. Jonatan agêc Dawid taunğen sêjala. ⁴⁰ Go Jonatan kêkên nê laukasap gêdên nê napalê ma kêsôm gêdên en gebe “Ôkôc ôna malac.” ⁴¹ Gêdên tan napalê gêja nan, go Dawid gêdi anğa poc toton muğa mênğêu tau lanôanô gêdên nom ma gewec gêdên en kêt u dim têlêac. Go agêc sêlêso p taun alinanô ma têtan taun, ma Dawid kêtan kêlêlêc. ⁴² Go Jonatan kêsôm gêdên Dawid gebe “Ôêc tobinmalôgen ôna. Bin

taŋ tamoatiŋ tajaŋ Apômtau laŋô naŋ, êtu tôŋ. Apômtau êkô aêagêc ŋasawa ma êkô aêŋoc wakuc to aôm nêŋ wakuc ŋasawa amboac tonanŋen enden tôŋenŋ.” Dawid gêdi gêc gêja ma Jonatan gêmu gêja malac.

21

Dawid gêc Saul

¹ Go Dawid jagêô lasê Nob gêdên Anôtônê dabuŋwaga Ahimelek aŋga malac Nob. Ahimelek kêpuc Dawid tôŋ-tôŋ to nê ŋalêlôm ŋatutuc ma kêsôm gêdên en gebe “Aôm taômgenŋ gômôên ma tenŋ gêwiŋ aôm atom kêtû agenŋa.” ² Ma Dawid kêsôm gêdên dabuŋwaga Ahimelek gebe “Kinŋ kêjatu aê binŋ tenŋa ma kêsôm gêdên aê gebe ‘Aê jasakiŋ aôm êtu jaenŋ tenŋa ma jajatu aôm binŋ tenŋa, mago ŋac tenŋ êŋô binŋ tonanŋ ŋawae tenŋ atom.’ Amboac tonanŋ gajac noc ŋoc lau gebe sêmênŋ gamênŋ tenŋ.” ³ Galoc gênŋ tenŋ embe ênêc aômŋa amboac polom 5 me gênŋ taniŋŋa ŋagêdô naŋ, ôkênŋ êndênŋ aê.” ⁴ Mago dabuŋwaga gêjô Dawid awa gebe “Polom ŋaôma tenŋ gêc aênŋa atomanô. Polom dênanŋ dabuŋŋagenŋ tec gêc. Nêm lau wakuc embe têtû mêtê lauonŋa, go sênŋ polom tau.” ⁵ Dawid gêjô dabuŋwaga awa gebe “Binŋanô, sêjac jao lauo gêdên aêac bêtê ŋagêdô su. Gêdênŋ taŋ aê gadi naŋ, lau sêjam dabuŋ taunŋ. Ocsalô kôm kainŋ tenŋ gêjac aê ŋawae, tec sêjam dabuŋ taunŋ ŋapep sawagenŋ.” ⁶ Amboac tonanŋ dabuŋwaga kêkênŋ polom dabuŋ gêdênŋ enŋ.

21:7–23:29 Saul kêjanda Dawid gêmôa mago Dawid kêbuli Saul auc ma kejonŋ sinŋwaga tonŋ tenŋ sa. Êsêac sêsap Dawid tôŋ ma sêjac sinŋ genŋenŋ.

24

Dawid taê walô Saul

¹ Saul kêjanda lau Pilisti su ma gêdênj tanj gêmu gêja nê malac nanj, êsêac sêjac minj gêdênj enj gebe Dawid gêmoa gamênj sawa Engedi. ² Amboac tonanj Saul kêkôc lau sinj 3,000, tanj kêjalinj êsêac sa anja lau Israel samob nênj nanj, ma jagesom Dawid to nê lau anja pocdênanj Noninj gêbôm njagamênj kêsi oc kêpija. ³ Saul jagêô lasê pocgêsunj tenj, tanj gêc dombanênj sapa njaintêna njamagê nanj. Enj kêsô gêja gebe ênam tau ôkwi. Dawid to nê lau sêsinj taunj sêngônj pocgêsunj tonanj njâlêlôm. ⁴ Go Dawidnê lau sêsôm gêdênj enj gebe “Galoc bêc tau, tanj Apômtau kêsôm njabinj gêdênj aôm nanj, gebe ‘Ôlic acgom, aê gabe jakênj nênj njacjo êsêp aôm lêmam gebe ôngôm êtôm aôm taêm ênam.’” Ma Dawid gêdi jakêsêbunj Saul nê njakwê balinj njâlêsu su kelecgenj. ⁵ Su, go Dawidnê njâlêlôm kepenj enj kêtû kêsêbunj Saulnê njakwê balinj njâlêsu gêngic. ⁶ Ma enj kêsôm gêdênj nê lau gebe “Apômtau ênac jao aê gebe jangôm njoc njatau, tanj Apômtau genj oso enj nanj, sec ma jakênj lemoc êpi enj, tanj kêtû Apômtaunê njac genj oso enja.” ⁷ Ma Dawid gêjam saic nê lau nj binj tonanj ma gêlôc gebe êsêac sênac Saul êndu atom. Ma Saul gêdi sa ma gêwi pocgêsunj tau sinj kêsa gêja.

⁸ Njasawa saunjenj, go Dawid kêdaguc enj kêsa awê gêja amboac tonanjenj ma gêmôêc kêdaguc Saul ma kêsôm gebe “O njoc njatau kinj.” Saul kêkac tau ôkwi ma Dawid gewec lanjôanô gêdênj nom ma ketoc Saul sa. ⁹ Ma Dawid kêsôm gêdênj Saul gebe “Aôm kôkênj tanjam lau, tanj sêsôm gebe ‘Dawid gebe ensenj aôm su’ nanj, nênj binj kêtû agenja. ¹⁰ Bêc

tonec aôm taôm gôlic ƚa matamanô gebe Apômtau kêkên aôm kôsêp aê lemoc anƚa pocgêsuƚ. Ma lau ƚagêdô sêsôm gêdên aê gebe janac aôm êndu. Mago aê gagôm atom. Aê kasôm gebe aê oc jakên lemoc êpi ƚoc ƚatau atom gebe Apômtau gen oso en. ¹¹ O tamoc, ôlic nê m ƚakwê baliƚ ƚalêsu, tec gêc aê lemoc nec. Aê kasêbuƚ ƚakwê baliƚ ƚalêsu tonec su, mago gajac aôm êndu atom. Tonaƚ êkên puc aôm ma aôm ôjala gebe aê taêc gêjam biƚ sec ten atom ma biƚ jali tauc sa êndên aômƚa gêc ƚoc ƚalêlôm atom. Aê gagôm sec gêdên aôm atom, mago aôm kôjanda aê gebe ônac aê êndu. ¹² Apômtau êmêtôc aêagêcnên biƚ. Apômtau êkên ƚagêjô êndên aôm êjô aê su. Mago aê lemoc êmoasac aôm atom. ¹³ Êtôm biƚgôliƚ lanƚwa kêsôm gebe ‘ƚac alôb-alôb êƚgôm gên alôb-alôb’, mago aênoc lemoc êmoasac aôm atom. ¹⁴ Israelnên kiƚ gêmên kêt u asanƚa. Kôjanda asa. Kôjanda kêam ƚamatê ten me. Me kôjanda tec ten me. ¹⁵ Amboac tonaƚ Apômtau êtu ƚacmêtôc ma êmêtôc biƚ, taƚ gêc aêagêc ƚasawa. En êtuc kêniƚ aênoc ƚam ma ênam aê kêsi anƚa aôm lêmam.”

¹⁶ Dawid kêsôm biƚ tonaƚ gêdên Saul su, go Saul kasôm gebe “O latuc Dawid, aôm awam tonaƚ me.” Ma Saul gêu tanibo a lasê ma kêtaƚ. ¹⁷ Ma kasôm gêdên Dawid gebe” Aôm gôgôm jagêdên kêlêlêc aê. Gebe aê kakên sec gêdên aôm, mago aôm kôkên moasiƚ gêjô su. ¹⁸ Ocsalô tonec Apômtau kêkên aê kasêp aôm lêmam, mago gôjac aê êndu atom. Tec gêwa aôm sa gebe kômoasiƚ aê ƚanô. ¹⁹ ƚac ten embe êtap nê ƚacjo sa oc awi en siƚ êc toôli samucgen ana me. Amboac tonaƚ Apômtau

êmoasiñ aôm êjô gêñ, tañ ocsalô tonec gôgôm gêdên aê nañ. ²⁰ Ma galoc ôlic acgom, aê kajala gebe aôm oc ôtu kiñ ma Israelnên gôliñ kiñña tonañ êsêp aôm lêmam ñalêlôm. ²¹ Amboac tonañ ôtôc lêmam ôkô Apômtau lañônêm gebe embe jamac êndu su, go onsenñ ñoc wakuc su atom ma ômbuñ ñoc ñaê su aña tamocnê gôlôac nêñ atom. ²² Ma Dawid kêtôc lêma gêdên Saul. Go Saul gêmu gêja nê malac ma Dawid to nê lau sêpi malac ñajaña sêja.

25

Samuel gêmac êndu

¹ Gêdên tonañ Samuel gêmac êndu. Ma lau Israel samob sêkac taun sa ma têtanñ tañiboa kêtû enña, go sêsuñ en aña taunê andu aña Rama.

25:1b–27:12 Dawid gêjam Abigail. En awê lañôêjam ma awê tokauc ñagaô. Saul kêjanda Dawid gêmoa. Dawid kêkênñ sec gêjô sec atom, en taê walô Saul kêtiam. Su, go gêja lau Pilisti nêñ gamênñ ma gêjam sakiñ êsêacnênñ kiñ teñ.

28

Saul agêc awê, tañ kêtû kênac lau katun

¹ Gêdên ñasawa tonañ lau Pilisti sêkalem nêñ siñwaga samob sêpi tagenñ sebe sênac siñ êndênñ lau Israel. Ma nêñ kiñ Akis kêsôm gêdênñ Dawid gebe “Aôm kôjala gebe aôm to nêñ lau oc anac siñ awiñ aê.” ² Dawid kêsôm gêdênñ Akis gebe “Ñajam, aôm oc ôlic gêñ, tañ nêñ sakiñwaga ocgo êngôm nañ.” Ma Akis kêsôm gêdênñ Dawid gebe “Ñajam, aê gabe jakênñ aôm ôtu aê taucñoc siñwaga ejop aê endenñ têngenña.”

³ Gêdêñ ñasawa tonañ Samuel gêmác êndu su ma lau Israel samob têtãñ tanjiboa kêtũ enña ma sêsũñ enñ aña taunê malac Rama. Ma Saul kêtĩñ lau, tanj sêkalem ñacmatê katuñ to lau mectomañña nañ, su aña lau Israelnêñ gamêñ. ⁴ Lau Pilisti sêkac taũ sa mênssê nêñ becobo kêkô Sunem, ma Saul kêkac lau Israel samob sa sê nêñ becobo kêkô gamêñ ñabau Gilboa. ⁵ Gêdêñ tanj Saul gêlic lau Pilisti nêñ sinwaga taêsam nañ, enñ kêtêc tau ñasec ma nê ñalêlôm ñatutuc ñanô. ⁶ Go Saul kêtũ kênac Apômtau, mago Apômtau gêjô enñ awa ña mê me kapoac me propete awenñ atom. ⁷ Amboac tonañ Saul kêsôm gêdêñ nê sakinwaga gebe “Ansom awê tenñ, tanj êtôm gebe êtũ kênac ñacmatê katuñ nañ. Aê gabe najatu kênac enñ.” Ma nê sakinwaga sêjô enñ awa gebe “Awê tenñ gêmoa Endor, tanj kêtôm gebe êtũ kênac ñacmatê katuñ nañ.”

⁸ Tec Saul kêsô ñakwê ñaôma tenñ gêjam lau ñaôma lanônñ ma nê ñac luagêc sêwinñ enñ sêja. Êsêac jasêo lasê dêdêñ awê tau gêdêñ gêbêc ma Saul kêsôm gebe “Ôkalem ñacmatê katuñ êtũ aêña. Ma ômôêc ñac, tanj aê jasam êndêñ aôm nañ, nê katu êmênñ.” ⁹ Mago awê tau gêjô enñ awa gebe “Aôm taôm kôjala gênñ, tanj Saul gêgôm nañ. Enñ kêtĩñ lau, tanj sêkalem ñacmatê katuñ to lau mectomañ su aña gamêñ tonec. Aôm gobe ôwa lakô aê gebe onsenñ aê su kêtũ asagenña.” ¹⁰ Mago Saul kêtôc lêma ma kêsôm gebe “Aê jasôm binñanôgenñ jakô Apômtau mata jali lanônêmña gebe aôm ôwê binñ tonañ ñakaiñ atom.” ¹¹ Go awê tau kêtũ kênac gebe “Jakalem asa êmênñ êtũ aôm ña.” Ma Saul gêjô enñ awa gebe “Ôkalem Samuel êmênñ.” ¹² Gêdêñ tanj awê tau gêlic Samuel

nañ, eñ kêwakic ma kêsôm gêdêñ Saul gebe “Aôm Saul tau. Kôsau aê kêtû asagenña.” ¹³ Tec kin kêsôm gêdêñ eñ gebe “Ôtêc taôm atom. Gôlic asagenñ.” Awê tau gêjô Saul awa gebe “Aê galic ñalau tenj kêpi anja nom ñalêlôm gêmênñ.” ¹⁴ Saul kêtû kênac gebe “Ñalanjô kêtôm asagenñ.” Awê gêjô eñ awa gebe “Ñamalacanô tenj tec kêpi gêmênñ ma ñakwê baliñ kékwa eñ auc.” Go Saul kêjala gebe Samuel tau tônê, tec gewec lanjôanô gêdêñ nom ma ketoc eñ sa.

¹⁵ Go Samuel kêsôm gêdêñ Saul gebe “Aôm kôlêsonj aê ma gômôêc aê gamu kapi gamênñ kêtû asagenña.” Saul gêjô eñ awa gebe “Aê kêpô lêna tau ñanôgenj. Lau Pilisti sêjac sinj gêdêñ aê ma Anôtô gêbuc dêmôê aê ma gêjô aê aoc kêtiam atom. Eñ kékênj propete seoc binj lasê me gêsuj mê tenj gêdêñ aê atom. Tec aê kakalem aôm gebe ôsôm gên, tanj janjôm nañ, êndênj aê.” ¹⁶ Samuel kêsôm gebe “Apômtau kêgaminj tau gêdêñ aôm to kêtû nêm ñacjo su ma aôm kôtu kênac aê kêtû asagenña.” ¹⁷ Apômtau gêgôm binj, tanj kasôm lasê kêsa aê aoc nañ, ñanô kêsa kêpi aôm. Eñ kékac gôlinj kinja su anja aôm lêmam ma kékênj kêpi ñac wachanj aômña Dawid. ¹⁸ Aôm tanjam wamu gêdêñ Apômtau awa atom ma gôgôm êné têtac ñandanj gêdêñ lau Amalek ñanô kêsa atom, tec galoc Apômtau gêgôm gên tonanj gêdêñ aôm. ¹⁹ Ma Apômtau êkênj aôm taômgenj ôsêp lau Pilisti lemenj atom, êkênj lau Israel samob sêwinj. Ma êndênj elenja aôm to latômi oc mênjamo awinj aê ma Apômtau oc êkênj Israelnênj sinjwaga sêsêp lau Pilisti lemenj amboac tonanjenñ.”

²⁰ Saul gênjô Samuelnê binj tonanj e nê katu kelen-dec ma eñ gêu tau gêc nom. Eñ ôliwalô gêjanja gebe

gen gen atom bêc samuc ten to gêbêc samuc ten.
²¹ Go awê tau gêdên Saul gêja e gêlic en kêsabigen gêc, tec kêsôm gêdên en gebe “Nêm sakinwagao aê kakên tanoc aômnêm bin. Ma gajac môkêc tauc gebe janaña, tec kasô nê bin ñalabu. ²² Galoc ôkên tanam nê sakinwagao aê. Ôlôc go jakên gên taniña ñagec êndên aôm ôniñ têkwam saki êsa gebe ôsêlên.” ²³ Mago en gedec ma kêsôm gebe “Masi, aê janiñ gên atom.” Tec ênê sakinwaga jasêwiñ awê tau ma sêkac en e kêkên tanja nê bin, go gêdi anja nom mênghênghôn mê. ²⁴ Awê tau kêkôc bulimakao ñalatu tanjen ten, tan kêkô nê andu nan, ma gêjac êndu ma kêsa. Go kêkôc polom matac mênkêgamuc ma kêpac polom ñalucgen ²⁵ mênkêkên gêdên Saul to nê sakinwaga. Sen gên su, go ac sêdi ma jasêc sêja gêdên gêbêc tonañ.

29:1–30:31 Lau Pilisti nê laumata sinwagaña sedec gebe Dawid tonê lau sênac sin êndên lau Israel sêwiñ êsêac. Tec Dawid gêmu gêja malac Siklag ma kêtap sa gebe lau Amalek sêjac sin gêdên malac tau su. Kêtu tonaña en kêjanda êsêac e kêku êsêac tulu.

31

Saul to latui sêmac êndu

¹ Lau Pilisti sêjac sin gêdên lau Israel ma sêjam lau Israel êliñ-êliñ to sêjac taêsam êndu sêc lôc Gilboa. ² Lau Pilisti sêjanda Saul to nê latui e sêjac Saul latui Jonatan agêc Abinadab ma Malkisua êndu. ³ Ma ñacjo sêgi Saul auc e lau talamña sêpê en ña sôb. ⁴ Amboac tonañ en kêsôm gêdên ñac wakuc, tan gêoc ênê laukasap nan, gebe “Ômbuc

nêm sin sa ma ôngun aê êndu gebe lau samuc tonan mênshênac aê êndu ma sêsu aê susu atom.” Mago nac tau gedec gebe en kêtêc tau nanô. Go Saul kêkôc tau nê sin ma gêu tau kêsêp. ⁵ Gêdên tan nê nac-gêôc-ênê-laukasapwaga gêlic Saul gêmâc êndu nan, en tau jagêgun tau ma gêmâc êndu gêwin Saul. ⁶ Amboac tonan Saul gêmâc êndu to nê latui têlêac ma nê nac-gêôc-ênê-laukasapwaga to nê lau samob sêmâc êndu gêdên bêt tagen tonan. ⁷ Lau Israel, tan sêngôn gaboan Jesrel namaken to bu Jordan ngamên oc kêpinan nan, sêlic Israelnên sinwaga sêc êlin-êlin ma sêjac Saul to latui êndu, tec êsêac sêwi nê malac sin ma sêc su amboac tonan. Ma lau Pilisti mênshêngôn êsêacnên malac tau.

⁸ Nagelen lau Pilisti sebe sêjangô nacmatê nê gên sinja su ma têtâp Saul to nê latui têlêac nê ngawêlêlan sa sêc lôc Gilboa. ⁹ Êsêac dêdim Saul gêsutêkwa gêngic ma sêjangô ênê laukasap su, go sêsakin lau jaen sêjac laoc Pilisti nê gamên samucgen gebe sêsôm nawae najam tonan lasê êndên nê anôtô to lau sênô. ¹⁰ Êsêac tetoc Saulnê laukasap gêc anôtôo jaba Astarot nê lôm dabun ma sêjac ênê ngawêlêlan tôn genkalen malac Betsan natunbôm. ¹¹ Ma gêdên lau Jabes-Gilead sênô bin, tan lau Pilisti sêgôm gêdên Saul nan nawae ¹² êsêacnên lau naclai samob dêdi ma sêsêlên gêdên gêbêt jasêkôc Saul to nê latui nê ngawêlêlan su anga Betsan natunbôm ma sêkôc sêmên malac Jabes, go sêkên ja gen. ¹³ Ma sêkôc êsêacnên natêkwa jasêsun en gêc ka kamem anga Jabes nalabu ma sêjam dabun mo bêt 7.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb